

DISSE

TATIO

INAUGURALIS

DE JURE CÆSAREO
PRIMARIARUM PRECUM,

QUAM

AUSPICE^E COELO

IN ALMA ET PERANTIQUA UNIVERSITATE
COLONIENSI

SOLENNI SUB PRÆSIDIO

Prænobilium, Clarissimorum, Consultissimorumque
Virorum ac Dominorum,

D. FRANC. GABRIELIS HAMM,

J. U. D., Professoris Ordinarii ac Publici,
Venerandæque Facultatis Juridicæ Dictatoris,

NEC NON

D. JOANNIS PETRI WIRTZ,

J. U. D., Professoris Ordinarii & Publici,
Ejusdēmque Facultatis Fisci.

PRO SUMMIS IN UTROQUE JURE HONORIBUS AC DOC-
TORALIBUS PRIVILEGIIS MORE MAJORUM
RITE CAPESSENDIS

PUBLICÆ ERUDITORUM DISQUISITIONI SUBMITTIT

HERMANNUS JOSEPHUS THEODORUS
BARTMAN, Agrippinas.


ANNO MDCCCLXXIII. Die 7^æ SEPTEMBRIS.
HORIS LOCOQUE CONSUETIS.

COLONIÆ, EX TYPOGRAPHIA UNIVERSITATIS.

PRÆFATIO.

Nobile profecto . & utile, ac quotidianum esse de *Primariis Pre-cibus Cæsareis Argumentum*, nemo est , qui ignorare possit, si vel à limine Jura & Publica , & Ecclesiastica salutaverit. Nobile , cum exhibeat unum è Nobilissimis Reservatis Cæsareis , Utile , cum utilissimo , perque Historiarum , & Juris publici , Canonicique Leges latè diffuso nitatur fundamento. Quotidianum , id quod ex quotidiana Praxi , & Exercitio Juris illius in Imperio Nostro Romano Germanico palam est, manifestumque. Hæc p̄pendens, haud difficulter tractus sum , ad suscipiendam præstantissimi hujus Reservari Imperialis Disquisitionem , utùt difficultatibus sat multis involutam , nec me deterruit , dum videbam, Suprema Mundi Capita : Summum nempe Pontificem , & Augustissimum Imperatorem in hujus Juris Exercitio suas habere Partes , Eisdémque Capitula Germaniæ , & Collatores Ecclesiasticos proximè non unâ ex causa accedere. Minùs me deterruit , dum audiebam mihi perpetuò inculcari : Da Pontifici , quæ Pontificis , Cæsari , quæ Cæsaris , & Ordinariis Collatoribus Ecclesiasticis Germaniæ , quæ eorum sunt ; æquâ námque mensura cuique Suum pro viribus tribuere intendo , quod an exactè , & feliciter ubique asscutus fuerim , id Lector Amice dignosces , si sequentia Dissertationis meæ Capito , porumque contenta impartiali Tuo Examini subjeceris.

CA-



CAPUT I.

DE

Origine, Progressu, & Definitione Primariarum Precum.

§. 1.

 Uanquam Originem Primariarum Precum, seu tempus illud, quo Imperatores Romano-Germanici cœperint uti hoc Jure, non adeò certum, & non nihil obliviousæ antiquitatis nebulis involutum fateri debeam: Si tamen illa (quæ antè aliquot annos in Gymnade Tricoronata edocitus sum) Historiarum Principia in medium proferre liceat; Juris hujus prima incunabula si non ci-
tius, saltem nono à CHRISTI nativitate sæculo non sine fundamento me statuere puto.

§. 2. Surrexit námque hoc tempore Othoniel quidam, aut Gedeon, qui populum DEI durissimâ servitute anteà pressum in libertatem affere-
ret, cæcæque gentilitatis fugaret tenebras. Fuit is Carolus cognomine Magnus, ait rerum gestarum multitudine & in Ecclesiam meritis Maxi-
mus ex antiquissima Ducum Austrasiæ Prosapia Pipini Francorum Regis
Filius. Augustalibus Insigniis à Leone III. tunc temporis Pontifice deco-
ratus perpetuum se se Ecclesiæ Defensorem spopondit, & non spopon-
dit tantùm, sed & re demonstravit. Saxones enim, gentem illam quis
nescit bellicosissimam, cum Duce suo Wittekindo devicit, devictamque
ibi, CHRISTO quoque & Ecclesiæ subjugavit. Patris sui Pipini Exarcha-
tum & Umbriam quondam Ecclesiæ donantis exemplo insistens bona in
Ecclesiam contulit sat insignia; Idola ubique subvertenda, Hæreses pro-
scribendas, Populūmque conversum ab idoneis erudiendum instruendūm-
que curavit Pastoribus, dico: Pastoribus, en Erectionem aliquam Bene-
ficio

fiorum curatorum. Episcopatus (qui certò sub se continere debent Cathedrales, & Collegiatas Ecclesiæ , quid enim, amabo! vellent soli Episcopatus) Episcopatus inquam fundavit undecim. Monasteria erexit 24, tot scilicet , quot Germani numerant Literarum Elementa. Successit Carolo Filius Ludovicus pius , pari in Ecclesiæ pietate & munificentia ductus; omne enim tūm in fundandis, tūm in exornandis sacrī aēdibus studium impedit atque ingenium.

§. 3. His præmissis quis mihi vocabit in dubium: quin religiosissimi hi Imperatores in dictis Episcopatibus, Cathedralibus , aliisque Ecclesiis sive secularibus , sive regularibus, sive Collegiatis, sive curatis per se ut potè fundatis dotatisve potuerint exercere Primariæ Preces ? potuissent enim fibi per expressum quoad has Ecclesiæ reservare Jus patronatū , & sic quā Fundatores præsentare ad quascūque vacantes Dignitates, aut Beneficia; cur non Jure Primariarum Precum nominare ad unam unicam primò vacaturam Dignitatē, aut Beneficiū ? cum in 1mo Casu plus sane sit, ac 2do. Imò Jus hoc non tantum poterant exercere in Ecclesiis à se fundatis dotatisque , verūmetiam in aliis; nec credo ullum Collatorē pro tunc temporis ordinarium contradixisse & recusasse, Preciātā munificentissimis, meritissimisque his Principib⁹ ad unum ex Beneficiis suæ alijs Collationi subjectis nominatum admittere. Fuislet nāmque ingratitudo maxima, illis ne in una quidem Præbenda permittere Exercitium Primariarum Precum, quibus tamen in acceptis ferre debebant, vel quod essent ad veram Fidem conversi, vel quod tot, tamque insignia Bona in Ecclesiæ essent collata, vel quod saltem ab illis , Eorumque Successoribus ex suscepso perpetuae Defensionis, & Advocatice Officio penē ista bona adversis Invāsores fortiter essent manutenendi.

§. 4. Quodque Progressum Precum illarum attinet , sententia mihi videtur minùs dubia , quod Successores Imperatorum Caroli Magni, & Ludovici in Sæculo nono potuerint in Exercitio primariarum precum & licetè, & validè continuare. Præsertim si istud Exercitium per Actus notorios, publicos, continuos & uniformes scientibus potentibus contradicere, & non contradicentibus Beneficiorum Collatoribus (sive illi fuerint Summi Pontifices, sive Episcopi, sive alii Collatores Ecclesiastici) quietè pacificeque fuerit frequentatum. Benè attento, quod hi Actus adeò notorii, adeò publici, & una simul adeò longum tractum habentes , & nulla efficaci contradictione impediti indubie debeant dici pro introducenda legitima Consuetudine sufficienter qualificati. Consequenter sicut Summi Pontifices, cæterique Collatores Ecclesiastici potuissent quoad Beneficia ad Eorum Collationem spectantia per expressam Concessionem Jus hoc Augustissimis Imperatoribus concedere, profecto nihil vetat, quominus & per legitimam Consuetudinem Jus illud acquirerent.

§. 5. A potiori Imperatores in Sæculis X. XI. XII. Sceptra Imperii Romano - Germanici rotantes licet validèque potuerunt persistere in isto Precum Primiarum Exercitio, tūm quia nondūn evanuerant amplissima Caroli, & Ludovici in Ecclesiam Merita, tūm quia nova his Sæculis acceſſere. Et Sæculo X. quidem adest Otho Magnus cognomine non tantūm, sed & in Ecclesiam Meritis Carolo Magno non inferior; Hunnos Germaniam latè devastantes tantā affecit strage, ut è centum millium Exercitu vix pauculi in Panoniam reversi attulerint clavis nuncium; undē factum est, quod Episcopatus, & Capitula Germaniæ, ac Beneficia inibi fundata fuerint servata. Græcos, & Saracenos profligavit ex Italia. Danos, Sorabos, Venedos, Bohemos, Caroli imitatus exemplum, non tam in suam, quām Christi rededit Ditionem. Veterem Pipini, Caroli Magni, & Ludovici pii Donationem Ecclesiæ factam novo fancivit Decreto. Nec eo contentus; Episcopatus quoque fundavit quām plurimos. Sæculum XI. exhibet Henricum Sanctum, Ecclesiam hic ubique defendit fortissimè, auxitque liberalissimè, adest ut Advocatus Sti Petri, & Ecclesiæ Defensor sit salutatus: Stephanum Hungariæ Regem cum Regno universo ad Christi deduxit Castra, glriosum inde Apostoli Hungariæ nomen fortitus. Sæculo XII. clari in Ecclesiam Meritis extitere Lotharius II., & Conradus III., quorum primus Defensor Summi Pontificis egregius, alter verò ab Expeditione cruciata adversus Turcas suscepit non incelebris.

§. 6. Progrediendo ad Sæculum XIII. Acephalo per annos aliquot Imperio tandem præfectus fuit Rudolphas I. Habsburgicus, Inclytus ille Gentis Austriacæ Patriarcha. Vetera hic Ecclesiæ Privilegia & rata habuit, & nova adjecit. Testis hic mihi est par millibus unus, quod in anterioribus Sæculis modò in usu fuerit Jus Primiarum Precum; quodque Antecessores sui frequentaverint actus illos notorios, publicos, uniformes, de quo superius §. 4. dixi. Id quod constat luculenter ex formula, quā Imperator hic concedere (concessisse enim nemo dubitat) solitus fuit Primarias Preces, quam in extenso affert *Joannis à Chockier in Scholiis in Primarias Preces pag. 4.*, Verba Rudolphi ad rem meam conducentia sunt sequentia. = *Ex antiqua, & approbata, ac à Divis Imperatoribus, & Regibus Inclytæ Recordationis, nostris Antecessoribus usque ad Nos producta Consuetudine.* =

§. 7. Sunt equidem, non me latet, qui Originem Primiarum Precum ad medium Sæculum XI. & ad Sæculum XII. referunt, idque ob Merita Imperatorum, obque fundatos ab Ipsis Episcopatus, & Beneficia; ast cum hæ ipsæ rationes jamtū in Sæculis IX. X. initioque XI. In Carolo Magno, Ludovico pio, Othono Magno, Henrico Sancto, provocando ad §§. præcedentes in superlativo gradu verificantur, cur mihi non liceat, Natales Gratiae hujus Imperialis Sæculo IX. adscribere? Et licet

primos antiquissimae illius consuetudinis (mediante quā jus Precum stabilitum & roboretur Rudolphus Ipse in Sæculo XIII. fatetur) actus assignare sit difficile , non tamen à vero aberrare mihi videor , si actus istos iamtū sub Carolo Magno , ejusque Successoribus in Sæculo IX. X. XI. sequentem in modum exercitos fuisse dixerim . Imperator Carolus præter Fundationes Pastoratum , Episcopatum , Beneficiorum (de quo suprà mentio facta) in Regnis tum ab hostibus liberatis , tum devictis , & ad veram fidem deductis constituit Catholicos Præfides , & Officiales , tam Bellicos , quam Civiles , qui Gentem subactam & regerent , & ad rebellandum proclivem continerent . Quis negabit ? quod hi & apud hunc Augustissimum Imperatorem , & apud ejus Successores sèpè sèpius pro filiis , consanguineis , aliisque personis sibi gratis Sollicitationes & Commendationes expetierint , ut earum intuitu Episcopi , & Collatores Ecclesiastici in Cathedralibus aliisque Ecclesiis Beneficia commendatis conferrent . Quis porrò negabit ? quod Augustissimi Imperatores hisce supplicationibus aurem benignam præbuerint , suásque Literas commendatias ad Collatores ordinarios direxerint , quas illi reverenter ex rationibus §. 3. adductis acceptantes Precistam datâ occasione Beneficii vacantis Collatione providerunt . Dùmque hæc res supplicantibus non semel ad Vota cesserat , alii similem apud Imperatores petitionem interponentes Primas Preces ab Ipfis ad Collatores Ecclesiasticos obtinere continebant , ne verò Imperatores unum eundemque Collatorem , unam eandemque Ecclesiam nimis gravare censerentur , & ad hunc , & ad illum Collatorem , & ad hanc , & ad illam Ecclesiam , sed semel tantum Preces potrexere , id quod tam diu publicè , notoriè , continuo & uniformiter frequentatum esse debuit , donec exinde legitima Consuetudo fuerit nata .

§. 8. Nec obstat , quod tum temporis in Germania Canonici plerumque communem vixerint vitam , ita ut Episcopus vel Præpositus Clericos Canonicorum albo inscriberet , Pignitates in Capitulis constitueret , cari enim Imperatores non potuissent ad tales Episcopum , aut Præpositum Preces dirigere , ut Precistam præ alio in locum deficients affluerent , Precista namque ille debuisset se communi huic vitae accommodare , Legesque Canonicis ita viventibus præscriptas observare . Et hinc si adhuc hodie darentur Canonici , & Collegiatæ Ecclesiæ , in quibus communis ista vita observaretur , & in quibus Consuetudo illa nominandi Precistam aliás observata fuisset , certè Jus nominandi Precistam ad tales Ecclesiæ Imperatori salvum existeret , eo modo , sicut si Augustissimus Imperator Carolus Magnus , Ejusque Successores in Monasteriis fundatis unum Precistam idoneum nominassent , isque solitus esset ad Novitatum , & deinde si dignus repertus fuerit , ad Professionem admitti , Preces Imperiales adhuc hodiernis temporibus ad ista Monasteria , utùt in communis viventia , dirigi possent .

§. 9.

§. 9. Hæc de Origine, & Progressu Primariarum Precum, quantum licuit, dicta sufficient, restat illarum Definitio, seu summaria Descriptio; & dico: Jus Primariarum Precum *Reservatum Imperiale Ecclesiasticum*, vi cuius Neo-Electo Imperatori ex antiquissima, & approbata ab Antecessoribus Divis Imperatoribus ad Eundem deducta Consuetudine competit potestas ad hoc, ut in qualibet Ecclesia infra fines Imperii Romano-Germanici sita possit personam idoneam ad Beneficium vel actu vacans, vel vacaturum nominare, in quo cunque demum mense Beneficium istud vacaverit, quodque Precista Cæsareus de Beneficio isto (quod infra mensem à die vacaturæ duxerit optandum) per cum, cui Jus conferendi competit, provideri debeat. Pergo singula Definitionis formalia sequentibus explicare Capitibus, sítque

CAPUT II.

Quis Preces exerceat, & ex quo Jure?

§. I. Dico: Jus Primariarum Precum esse *Reservatum Imperiale Ecclesiasticum*, estque hoc apud Interpretes extrà controveriam. *Vl. Hermes in Fasiculo Juris publici de Reservatis, & Regalibus Imperatori competentibus Cap. XI. N. VI.* Dumque Jus Primariarum Precum assero esse Reservatum Imperiale, idèò Jus illud Originariè in Suprema Imperatoris Majestate, ac in Summo illius Imperio radicatum eit; proinde nullus aliis, sive Elector, sive Dux, sive Archi-Dux, sive Episcopus, sive Archi-Episcopus hoc Jus in Imperio Romano-Germanico ob deficiens Supremæ Majestatis Imperatoriae fundamentum exercere potest; & quia eit Reservatum Imperiale cum addito: *Ecclesiasticum*, idèò exercetur circa rem Ecclesiasticam, neimpè circa Beneficia. Et licet regulariter Laicus ad Beneficia actum Præsentationis, aut Nominationis exercere non possit, attamen illud cessat, si ad hoc aut per consuetudinem legitimè introductam, aut per expressam concessionem qualificatus fuerit, & hinc Reservatum hoc differt ab aliis Reservatis Cæsareis circa materiam profanam versantibus, horum namque Exercitium Imperatori etiam in actu 2do competit, absque quod aliqua aut Consuetudo, aut specialis Concessio prævie requiratur, per quam Imperator, utpote ex supra sua Majestate ad hæc Reservata actualiter exercenda idoneus, reddatur ad actualē Exercitium habilitatus. Interim de singulis his Reservatis impræfens mea non agit Disputatio.

§. 2. Competit Potestas exercendi Primarias Preces Imperatori neo-Electo. *Reiffenst. de Primariis Precibus S. 20. N. 570.. ubi Nota: ab Electoribus non eligi propriè Imperatorem, sed Regem Romanorum promovendum in Imperatorem per confirmationem, Consecrationem & Coronationem, Leuren. in Foro benefic. Sect. 3. Cap. I. S. 10. Qu. 604. N. 1.*
quo-

quousque ergo haec nondum intervenerunt, Imperator non solet dici ab-solutè Imperator, sed cum addito: Electus Imperator, aut in Imperatorem. *Wagnereck Lib. 3. Tit. 5. de Præbend. & Dignit. in 6to pag. 487.* *versu in Imperatorem electo.* Inde oritur inter Interpretes Punctus ille sat controversus: an non igitur Imperator Preces concedere possit antè Confirmationem? Quæstionem hanc *Chokier Sæt. 2. Qu. 12. Cap. 11.* dicit, se malle proponere, quām decidere; & *Hermes Qu. 16.* ob rationes hinc inde æqualiter ponderantes intellectum suum vult captivare. Ast juvat notare ea, quæ desuper habet *Wagnereck loco, & pag. citatis, Versu, Quæs-* *res,* ibi= an Electus Imperator ex Sola Electione habeat Jus & Autho-ritatem administrandi Imperium, concedendi Privilegia & gratias, aliaque faciendi, quæ sunt Potestatis Cæsareæ antè Confirmationem & Coronationem? Si Jura sola consideremus, sententiæ Negativa juxta ipsum est illis conformior, & nititur hac ratione, quia Electus in Imperatorem talis non est, nisi confirmetur, & coronetur, nemo autem operatur, ante-quām sit. Si verò attendimus Consuetudinem, quæ prævalet, affirman-dum est: adducendo authores hanc sententiam esse communem attestan-tes; idque, juxta eundem Wagnereck, tanto potiori Jure facit, si Con-firmationem jam petierit, atque acceperit, et si nec Coronatus sit, nec fortassis coronandus. Ex quo sequitur: sicut usu, & Consuetudine intro-ductum est, ut Privilegia, & gratias alias Imperatori competentes Elec-tus in Imperatorem concedat, ita posse quidque concedere Preces Primari-as antè Confirmationem & Coronationem. *Addit pag. 488. versu, ne-que obstat. circè finem:* sic vidimus Ferdinandum IV. fel. mem. in Regem Romanorum Augustæ electum absque mora Preces Primarias nemine improbante contulisse, antequām Confirmationem Româ petere & acqui-rere potuerit, Prædecessorum utique suorum exemplo. In eandem abeunt sententiam *Luren. Quæstione jam antè citata 604. N. 2.* *Riffenst. eodem lo-co ut supra N. 574. verju, Quæritur 2dō, ubi pro eadem citat. Pirring, & Engel.*

§. 3. Exercet igitur Preces neo-Electus Imperator, exercet illas vel per se, id est: immedietè, vel medietè, seu per suos Commissarios, ita ut prærogativa Precum quoque gaudeat Nominatus à tali Commissario, factum enim à Mandatario juxta terminos Mandati ab ipso mandante factum censeri debet; *Cap. qui facit, de Reg. Juris in 6.* Et ita Imperator Wenceslaus olim modò hoc Jus per Dicecesin Spirensim, & Wormatiensem Ruperto Seniori Palatino concesserat, *Hermes hic Q. 15.* Sic Fer-dinandus II, teste *Chokier, pag. 21.* hanc Facultatem cesserat Electori Coloniensi. Exerceat Imperator hoc jus nominando Precistam vel ad unam, vel ad plures Ecclesiæ, quod secundum fit vel simul, vel successivè; *simul,* si unico contextu, & eodem Diplomate quempiam nominaret ad plura Beneficia in diversi Ecclesiæ constituta, *successivè,* puta, hodie nominan-do Precistam ad Ecclesiam A., post aliquod tempus ad Ecclesiam B., &

sic

fic diversis Diplomatibus. Proderit autem haec multiplicata, ad diversa Beneficia vel simultaneè, vel successivè facta Nominatio, ut quis certius citiusque consequatur Beneficium, nam citius solet contingere vacatio quædam in pluribus, quam in una solummodo Ecclesia, quamvis vacatio hac in una eveniente, & subsequuta Collatione omnes aliae gratiae; seu Nominationes ad alia Beneficia mediantibus primis Precibus factæ illicè cesserent, ne videlicet quis præter intentionem concedentis plura consequeretur Beneficia *Reiffenst. b. N. 587.* Per hoc tamen non negatur, quin etiam post adeptum prius Beneficium, sieque consumptam priorem gratiam, seu nominationem possint eidem Precistæ per Imperatorem novæ Preces Primariæ ad aliud Beneficium porrigi, tum quia clara hic est mens Imperatoris, quod velit duplam præstare gratiam, tum quia per hoc nemini generatur præiudicium, tum quia secundum hoc Beneficium vel erit compatibile cum *imo*, & Precista utrumque retinebit, vel erit incompatibile, & per pacificam hujus fortè pinguioris, aut alias Precistæ magis proficii aseccutionem *imum* vacabit ipso jure. Idem *Reiffenst. loco mox. cit.*

§. 4. An verò Imperator, postquam uni Preces concesserit, possit variare, aut easdem revocare? Quæstio est distinctione terminanda, aut enim jus est quæsumum Precistæ, v. g. si is Preces acceptaverit, eo ipso námque acquisivit jus petendi *im* vacaturum Beneficium, & non poterit Imperator variare, aut revocare; quandò enim Princeps alicui Benemerito donat, vel concedit (ut facit Precistus) non debet facultas hujusmodi, seu Donatio auferri ab ipso sine causa. Aut jus non est quæsumum Precistæ, sed tantum nomen ejus in albo, seu rotulo Cæfareo descriptum, & tum haud dubium, quin Cæsar possit revocare; neque enim per inscriptionem in Rotulo jus aliquod in re, seu ad rem acquiritur, sed est tantum nuda Annotatio ad Principis memoriam, non ex tempore inscriptionis juris alicujus Concessio ideoque sic inscripti exspectantes dicuntur, non provisi, sed in suspense hærentes, quorum jus non est irrevocabile, sed conditionale. *Chokier pag. 32.* Ex his infertur: quod si Cæsar hodie unum coram Capitularibus viva voce nominaret, & cras *2d* Preces conferret, qui omnino tutè cupiens procedere, curaret solenni ritu desuper expediri Literas Cæsareas, hic tamen non erit preferendus *imo*, tum quia Scriptura non est de essentia gratiae, tum quia jus *imo* quæsumum ei sine causa auferri nequit. Quid si tamen duo, aut plures Precistæ de eadem data, de eodemque Beneficio concurrerent? & *Reiffenst. Leuren. Sect. 3. Cap. 1. Qu. 619.* I. Dum ex Scriptura, seu Diplomatibus de eadem data, vel etiam aliunde constat, quis eorum prius Preces obtinuerit, is erit preferendus, cum qui prior sit in Scriptura, etiam censeatur prior in tempore. II. Qui prius Executori præsentat Diploma, præfertur alteri, cui de eadem data facta est Precum collatio.

III. Præfertur ille, cuius Diplomati inserta est clausula : *Motus proprii*, vel clausula : *etiam si alteri contulerimus* : ea enim denotat , gratiam alterius esse posteriorem. IV. Dum unus denominatus à Cæsare , alter ab eo, cui Cæsar hac in re partes suas commisit , nec constat de prioritate temporis, præfertur , qui à Cæsare nominatus. V. Si Cæsar uno eodemque verbo Primarias Preces, seu Nominaciones conferat duobus pro eadem Ecclesia, neutra collatio valet , cum deficiat potestas , & consequenter voluntas.

§. 5. Licet ex dictis Imperator sine causa nec variare, nec Preces semel concessas, & acceptatas revocare possit ; manet tamen ipsi libera facultas surrogandi alium, si prior Precista ante Beneficii obtentionem , aut pacificam possessionem Precibus renunciaverit , aut si morte præventus fuerit. Nam sicut Patronus laicus potest plures præsentare , donec actus plenè fuerit consummatus , sic & Imperator hic poterit nominare plures, donec Nominatio sua plene fuerit effectuata , id est : donec Nominatus aliquis tandem quieta & pacifica gaudeat Beneficii collatione & possessione; & hoc casu potius est ad primum jus accumulatio, quam variatio, *Chockier pag. 24.*

An verò & ea Imperatori competat facultas , ut concedendo Preces possit immutare naturam Beneficii e. g. si in Ecclesia omnes deberent esse Comites, Barones, Nobiles, aut Doctores ; An possit nominare aliquem istis qualitatibus carentem ? omissa Chockieri distinctione : An Imperator ut Patronus conferat , utpote extrà materiam vagante R. *cum Hermes de Jur. Reserv.* & Reg. Q. 16. simpliciter Negativè , non enim potest Imperator jus Ecclesiæ convellere. Accedit, quod limitata potestas transeat cum suo onere, ideoque tenetur nominare secundum qualificationem, quā tenebatur Collator ipse providere , uti & is , ad quem sit devolutio, adeoque concedere Preces hominibus illius qualitatis secundum naturam institutionis Beneficii , & denique ubique Dispositio Fundatoris est certa respectu certae Personæ & loci, non potest alterari. *Leuren. bīc Q. 611.* Sed quæreres : Num ergo Imperator concedendo Preces nequidem de novo poterit apponere conditionem. Quod pariter negatur *ex Cap. 2. de Ele&t. in 6.*, nisi talis sit conditio , quæ tacitè insit : sic valet collatio Episcopi , qui confitit curatam Ecclesiam sub conditio ne : si resignavit primam; nam haec tacitè ineſt, *Cap. de multa, de Præbend.*

§. 6. Dixi Spho jam præcedente : per mortem Precistæ non impediſti Imperatorem, quin alium substituat. Quæſtio jam est: An per mortem Imperatoris Precista pariter non impediatur , quominus eveniente vacatione utatur Precibus ? & R. non impediſti. Mirè tamen Quæſtionem hanc pro, & contrà defendit *Chockier pag. 53. & sequentibus.* Verū cum Sententiæ Negativæ & afflītat obſervantia, optima dubiorum interpres, cumque afflītat Juris ratio , cum per Nominacionem Cæſream,

ream, & acceptationem Precistæ res desierit esse integra , Precistæque jus aliquod ad vacaturum *Ind* (aut quod optaverit) Beneficium sit quæsum, hauc Sententiam etiam in Puncto Juris admitto indubiam , præsertim quia Imperator primarias Preces exercet vigore Supremæ Majestatis Imperatoriaæ per Consuetudinem inveteratam & approbatam qualificatæ , quapropter Preces Cæsareæ sub hoc respectu reales potius , quam personales dici debent, quæ morte concedentis non exspirant , licet effectum nondum habuerint- Id quod confirmatur per hoc , quod Communis Executoribus ad exequendum Preces dari solita non reguletur adinstar mandati, quod re integrâ exspirat, sed sit instar gratiæ , quæ etiam durat post mortem concedentis per *Cap. super gratia 9. de Offic. & Potest. jud. Deleg. in 6. per totum.* Ind Preces adhuc valent, si Imperator alicui eas concessit Verbo , vel Signatura , & moriatur ante expeditiōnem, *Hermes Cap. 11. N. 23.*, ubi tenet, quod Successor in Imperio teneatur eas expediri facere; nam in lingua Principis stat gratia , in Scriptura Testimonium , in executione Commoditas : consequenter Scriptura non est de forma essentiali, sed solum de probatoria. Nec denique Imperatori circâ jus Precum obstat Præscriptio , contra Privilegium enim consistens in voluntate Privilegiati non currit Præscriptio , si eos usus non fuerit, dummodò tamen alii (id est Prædecessores) usi fuerint. *Leuren. htc Q. 625., Chockier pag. 21.* Hæc de eo : quis Primarias Preces exerceat ? dicta sufficient.

§. 7. Quod *2dum* Capitis præsentis membrum attinet, quo Jure sci-
licet Imperator Preces exerceat ? Quæstio est non paucis involuta diffi-
cultatibus, totque hic videris penè sententias , qnt in Primarias Preces
Scriptores. Alii enim jus illud ex Jure Majestatico , illique adhaerente
Jure circâ Sacra. Alii ex Dignitate Imperatoris Canonicali , quam in
quibusdam Ecclesiis accipit, fluere credunt. Quidam ad Coronationem
Imperatoris solummodò provocant. Nonnulli Fundationem & Dotatio-
nem Ecclesiæ, Privilegiorumque Concessionem, uti & Ecclesiæ Defensio-
nem & Advocatiam fontem unicum assignant. Multi ex consuetudine
antiqua & approbata , multi ex Indulto Summi Pontificis Jus illud de-
ducere adlaborant; quæ postrema Sententia tempore Josephi I. Roma-
norum Imperatoris, Sacerdotium inter & Imperium, Summum intelligo
Pontificem inter & Augustissimum Imperatorem varios caufavit motus ;
& quamvis dissidia inde orta fuerint composita , attamen cum nondum
authoritate publica definitum , undenam Imperatori jus Precum prima-
riarum competit, sed usque adeò post tempora Josephi I quæstio illa
acriori , quam unquam anteâ Studio inter Authores disceptetur , male
mihi verti non autumo , si prærecensitas Sententias paucis disputationis
Veriorem verò, salvâ tamen utriusque Potestati & Pontificiae, & Cæsareæ
Q. 2 B. 2

debita , humillimaque Veneratione suis rationibus paulò latius corroborem.
 §. 8. Ac priuam quidem quod attinet Sententiam , est illa Scriptoribus Protestanticis compluribus propria , verum præter alia , quæ Viris in Historia tam Ecclesiæ , quam Imperii versatis relinquo fundamenta , seiscitari meritò ex illis possem ; si Imperatores Preces exerceant ex Jure quodam Majestatico , & circa Sacra . Cur ergo solam sibi adstruunt , & semper adstruxerunt Precistæ Nominationem , relicta Collatoribus Ecclesiasticis Ordinariis Collatione & Institutione ? II. Cur in suis Diplomaticis Juris hujusmodi Majestatici , & circa Sacra omnino immemores provocant ad Antiquam , eamque approbatam consuetudinem ? III. Si tam Sanctè credant Protestantes , adesse tale Jus circa Sacra , & Majestaticum , cur in Pace Westphalica super Precum Exercitio fecerunt controversiam ? dilucide coimprobantes : ex Jure Majestatico , aut circa Sacra Preces Imperatoriai non profluere . 2da in ordine allatae opinioni non multum quoque ineft roboris , quid enim Dignitas illa canonicalis , non realis , sed honoraria ? II. cum Imperatores in quibusdam Ecclesiis , & quidem Cathedralibus honorariam illam adepti fuerint Dignitatem , cur Preces exercere potuissent in aliis Ecclesiis , ubi in numerum Canonorum non sunt recepti ? III. Imperatores nunquam tali Jus in Ecclesia S. Petri romana sibi praetenderunt , licet ei speciali Canonicerum ritu quoque fuerint adscripti .? 3ta Sententiae , Patroni vel erant intelligendi de Coronatione Pontificia , & scimus , Carolum V. ultimò fuisse per Pontificem coronatum , Successores tamen illius Jus Precum nihilominus continuasse , vel volunt intelligi de Corona Germanica , & obstat tum quod supra §. bujus Cap. 2do dixi , tum quod nullum à tempore dicti Caroli V. , imò à tempore erectorum Concordatorum usque ad præsens ævum existat Diploma Cæsareum , quod ullam Coronationis seu fortis hujus Juris mentionem faciat . Tutiū his procedere videri possent , qui in 4ta suprà recitata sunt Sententia , Cæsariq[ue] Jus Precum tam ex fundatione & Dotatione Ecclesiarum , Privilegiorumque concessione , tum ex Advocacia , totiusque Ecclesiæ Defensione adstruere satagunt . Verum licet hanc opinionem , si loqui velimus de Causa Precum remota , & occasionali (intellige illa , cuius intuitu Capitulo Dissertationis meæ primo dixi , incepisse actus illos notorios , publicos , continuos & uniformes) licet , inquam , sub hac limitatione Sententiam illam approbem , non tamen iis authoribus assentire potero , si de unico Precum Primiarum fonte , deque earum Causa proxima id sentiant ; nulla enim Diplomata Cæsarea ad hanc Privilegiorum Concessionem , ad Ecclesiarum Fundationem , Dotationem , aut Advocaciam unquam provocarunt . Imò si Advocacia Ecclesiæ foret proxima Primiarum Precum causa . cur nec olim , nec hodie Imperatores illas Preces exerceuerint in Ecclesia romana , cuius tamen jam tum à tempore Caroli Magni etiam Advocati & Defensores existunt ?

§. 9.

§. 9. Restant examinande dñe posteriores Sententiae , ac illi quidem , qui Jus primariarum Precum ex solo Pontificis Indulto Imperatori tribuunt , maximè se fundant in Literis Clementis XI. initio Sæculi Nostri sub Josepho I. ad Capitulum Hildesiente emanatis , quas videre poteris apud Oligenium pag. 172. , in quibus Summus Pontifex afferit I.

Nullum residere Jus penè Cæsaream Majestatem dirigendi Preces Primarias , multoque minus sub comminatione pœnarum , quarum vi possint commendati talia Beneficia aſsequi. II. Fas námque non esse Laiçæ potestati , Collatores Ecclesiasticos cogere ad conferendas Preciſis Praebendas. III. Pergit : Jus illud nisi Authoritate Apostolica fulciatur in Germanie Partibus non posse obtinere , cum Concordata sint in contrarium , IV. Provocat ad Exemplum tot Imperatorum à Friderico III. ad Leopoldum usque , qui hoc Indulto se curaverint muniri , imd huic , nempè Leopoldo , cum Preces Indulto deſtitutus voluiffet exercere , non exiguum , nec contemnendam Collatorum Germanie partem reſtitisse , Preces nec admisſe , nec Executioni dediſſe. His quatuor ex Epistola Clementis depromptis rationibus accedunt totidem aliae ab Authoribus hujus Sententiae paſſim proferri ſolitæ I. Bullas Pontificias volunt id evincere in verbis *de Noſtra mera liberalitate*. Item , *de Apostolice Potestatis plenitudine* ab Imperatoribus alijs certè non admisſis. II. Variè in eisdem Bullis jus hoc Cæſareum eſte coarctatum. III. Ex Praxi , quâ conſtat , Lites ratione Precum exortas in Curia Romana decidi. IV. Ex natura Nominationis ad Beneficia , cuius Jus , cum ſpirituali eſſet annexum Imperatorem de fe hujus Nominationis fore incapacem : juvat hæc tūm ex Epistola Clementis , tūm ex iplis Sententiae prefatæ Authoribus deducta Argumenta paucis refutare. Et I. si nullum Jus reſideret penè Cæſaream Majestatem dirigendi Preces , undē tot Imperatores , undē ipfe Rudolphus I. Princeps plentissimus Preces ſinè Indulto exercuere? provocantes ad antiquam & approbatam Consuetudinem , indeque , ſe , alijs , incapaces , habilitatos non ignari. II. Cur Imperatores Juri huic ſuo legitime acquisito inſistentes non potuiffent comminari redditum , aut Privilegiorum Subtractionem? non per hoc in jura Eccleſie involantes , ſed Jus ſibi quæſitum conservantes. III. Quod argumentum illud ex Concordatis petitum concernit , agam infrā Cap. IV. §. 2. IV. Dicit Summus Pontifex : quod tot Imperatores curaverint ſe muniri Indulto ; ergo debuit aliiquid adſuiffe , quod muniretur , quod enim non eſt , muniri nec potest; majori facilitate obviatur rationibus à Scriptoribus allatis , I. verba illa *de noſtra mera liberalitate* , & similia *cur Imperatores non permifſiſſent inſeri Bullis Apostolicis probè gnari* , verba illa non replicare ſuper Jure Precum ſibi de novo concedendo , ſed iamtūm competente muniendo. II. Cum venia istorum Authorum nego : Jus illud Cæſareum eſte variè coarctatum per illa indulta , nam plus dico , eſt amplia-

pliatum; datur enim inibi Imperatoribus Facultas, constituendi Executores Ecclesiasticos, qui Censuris Ecclesiasticis Collatores Ordinarios fortè Precistis resistentes cogere possint, de quo latius *infra Cap. 4. III* Lites circa Preces exortas non in Curia Romana, sed in Judicio Imperiali Aulico decidi, Regressu usque ad eadē Romanam prohibito, non unum hodie adest præjudicium. IV: Nec obstat: cum Imperator legitima Consuetudine sit habilitatus. Hæc paucis dicta sufficient, pluribus §. *in sequenti* stabienda.

§. 10. Devenio ad Sententiam è diametro contrariam, cui insistens juxta allatam *Cap. I. §. fin.* Juris Primiarum Precum Definitionem. Dico: Augustissimo Imperatori Jus illud competere *ex antiquissima, & approbata, ab Antecessoribus Divis Imperatoribus ad eundem deducitam Consuetudinem.* I. In hac námque Consuetudine se modò fundavit in Rescripto Precum Rudolphus I. Sæculi XIII. Imperator, nec constat: quod Ipse, aut Ejus Prædecessores Indultum expetierint, & tamen Preces exercuere. II. Ab ævo dicti Rudolphi ad tempora Friderici III. nullum adduces Diploma Cæsareum Primiarum Precum ullam Indulti Apostolici mentionem faciens. III. Nullum quoque ad hæc usque tempora reperies ad antiquam illam, & pro tempore Rudolphi I. modò approbatam Consuetudinem non provocans, IV. Istam Consuetudinem legitimè esse introductam apertè constat *ex Cap. Dissertationis I. §. 3. V. Imò Collatores Ordinarii, sive illi fuissent Summi Pontifices, sive Episcopi, sive alii, non tolerassent tales actus, multò minis Precistis Cæsarcis dedissent collationem & institutionem, quam dum per tot Sæcula dederunt, certe ipso Facto toties repetito Consuetudinem istam antiquam speciali suo consensu firmarunt, & hinc rectè Rudolphus se fundat in *antiqua & approbata Consuetudine,* VI. Si nullum Indultum Apostolicum unquam supervenisset, quis negasset, Imperatores licetè perrexisse in antiquâ & toties tūm Summorum Pontificum, tūm Collatorum Ordinariorum tacito speciali, imò satis qualificato consensu approbata Consuetudine; Etenim si hanc Consuetudinem nec Summi Pontifices, nec Ordinarii Collatores approbare voluissent, tunc profectò non debuissent admittere Precistas ad Beneficia, eisdémque desuper Collationes impertiri, idque per tot Sæcula, antequam de speciali Indulso Apostolico per Imperatores obtento quidquam ex Historia istorum temporum legaliter constet. VII. Ipsa Indulta Apostolica ex post supervenientia praexistentem hanc Consuetudinem tantummodò corroborant, sicut Res judicata non constituit, sed confirmat Consuetudinem praexistentem. VIII. Sicut ergò & judices, & ipsimet usque ad eadē Legislatores tenentur praexistentem legitimè introductam consuetudinem in judicando sequi, & eos, qui in eadem legitimè introducta se fundant, penes illam contrâ quoscunque defendere; sic etiam ipsimet Summi Pontifices, & Ordinarii Col-*

Collatores obligati erunt, Antiquissimam illam per tot actus Collationum approbatam Consuetudinem observare non tantum, sed & Precistis assistere, ut effectu Primariarum Precum potiantur. IX. Idque eò magis quia dum & Summi Pontifices, & Archi-ac Episcopi, & quoque Ordinarii Beneficiorum Collatores per tot Sæcula & viderunt, & sciverunt, quod Augustissimi Imperatores Primarias Preces publicè, notoriè, continuè uniformiter exercecerent, nec tamen contradixerunt, sed econtrà Precistas nominatos ad Beneficia admiserunt, eosdémque de illis privederunt, & provideri sine ulla contradictione passi sunt, certissimè per hunc suum specialem tacitum consensum per tot Sæcula continuatum, ac insuper omni ex parte qualificatum æque fortiter, quantum fuit in ipsis, habilitarunt Augustissimos Imperatores ad Exercitium Primariarum Precum, ac si etiam specialia ad illud Indulta, specialesque concessiones in solennissima forma impertiti fuissent. X. Dumque Augustissimi Imperatores actus istos Notorios, publicos, continuos & uniformes per tot Sæcula in exercendis Primariis Precibus cum effectu frequentantes justissimas habuère causas, quare ad istos actus processerint, ob tot scilicet fundata Beneficia curata, ob tot erectos Episcopatus, & Collegias Ecclesias, obque suscepit Ecclesiæ Universalis defensionem. Idecè sane Consuetudo quoad exercendas Primarias Preces legitimè introducta, ac modò per tot Sæcula ante Rudolphum I. ab Ipsiusmet & Summis Pontificibus, & Ordinariis Collatoribus per tacitum specialem consensum approbata debet dici Jus irrevocabile Augustissimis Imperatoribus pro exercitio Primariarum Precum tribuisse, quod jus proinde Ipsis invitatis adimí nequaquam poterit. XI. Quantum ergò ad Indultum speciale, quod deinde in recentioribus Sæculis Imperatores sat multi obtinuerunt, illud præterquam quod roboret Consuetudinem per tot Sæcula abante legaliter introductam, insuper suos habet speciales effectus, dum per illud redduntur certa, quæ alijs poterant Imperatorem inter, & Beneficiorum Collatores esse dubia atque controversa, dumque facultatem Imperatori impertitur ad hoc, ut possit denominare Viros Ecclesiasticos Primariarum Precum Executores, quibus per Indultum Apostolicum sat ampla tribuitur potestas, mediante quā Collatores Ordinarios Precistam admittere recusantes compellere possint, alios effectus subticendo, qui mox sunt plures, mox pauciores, prout Indultum vel magis, vel minus reperitur esse extensum. XII. Et licet sine Indulso isto speciali Executio Primariarum Precum hic & nunc non fuerit satis prompta ob Collatorum Ordinariorum renitentiam, non fuere tamen Imperatores destituti remediis ad illam obtinendam opportunis & necessariis; patet id ex sequenti formula in Diplomate Precum ab Imperatoribus inseri solita. *Contumacia verò vestra, aut contemptu, quod absit, per mensem continuum à die requisitionis numerandum, durante, vos omnibus & singulis Privilegiis,*
Gra-

Gratiis, Libertatibus, & Donitionibus à Romanorum Imperatoribus & Regibus... eo ipso privatos, & nostrā Tuitione exutos declarant. □ De reliquo ob rationes p̄eadductas & Summi Pontifices, & Ordinarii Collatores ob Consuetudinem legitimè introductam & approbatam, obque datum suum speciale tacitum in illam consensum per tot Sæcula modò antè Rudolphum I. continuatum haud difficulter suam Precisim impetriri poterunt assentiam, ed quod ex Consuetudine numeris omnibus absolutâ debeat dici Jus esse quesitum Augustissimo Imperatori ad exercendum Primarias Preces, & Precisæ ad obtainendum earundem effectum. Pro magis magisque firmandâ hæc mea Sententia provoco ad ea, quæ habet Benedictus XIV. in sua Epistola instrucliva ad Excellentissimum D. Nuncium Apostolicum Coloniensem Die 28. Octobris 1747. missi §§. 42 & 43., ubi loquitur de illa controversia, quæ Bonifacium VIII. inter, & Philippum pulchrum, Regem Francie super exereitio Precum Regiarum intercessit; Verba Pontificis sunt hæc □ Ad Te hujusmodi Ecclesiastica Dignitatum; Personatum, Canonicatum, Beneficiorum & Præbendarum Collatio non potest quomodolibet pertinere, nec pertinet, nec per Tuam Collationem potest alicui Jus acquiri sive auctoritate, vel Consensu Sedis Apostolice NB. TACITIS, vel EXPRESSIS □ His respondet Rex □ Quod collatione Beneficiorum usus est, & utitur, sicut ad Eum pertinet de Jure, & bona Consuetudine, sicut Sanctus Ludovicus, & alii Prædecessores sui usi fuerunt a tempore, cuius memoria non existit, nec circù hoc fecit, aut intendit facere aliquam Novitatem, nec credit, quod Papa sibi facere velit, quilongum usum suum, & Prædecessorum suorum in collatione hujusmodi novit plenissimè ab experto. □ Hac super Controversia laudatus Summus Pontifex in cit. §. 43. adducit Sententiam Thomalini, prout sequitur □ In aperto est, tanti non fuisse eam rem, ut meritò de ea contenderetur tantopeve, & tamdiu, cum & Pontifici, & Regi persuasissimum esset, Antiquos Pontifices non nescisse, & saltē tolerasse hanc Gallicæ Regum Consuetudinem, ex quo siebat, ut tacita saltē eorum intervenisset consensio, cum ita res se haberet, cum ita utrimque in confessio esset, jam vereor, ut satis causæ fuerit vel Pontifici, vel Regi, quam obrem confiteri detrectarent, quod detrectare non poterant. Juri Regio Pontificiam accessisse, SALTEM TACITAM, CONSENTIONEM. □ Ex his infero, quod quoad Primarias Preces Cæsareas ex rationibus supra latè deductis Juri Cæsareo Pontificia accesserit, saltē tacita, Consensio, antequām ullum Speciale Indultum Apostolicum intervenierit, quodque tacita ista consensio Consuetudinem illam inveteratam reddiderit licitam, validāmque, eandēmque Consuetudinem speciale Indultum Apostolicum superveniens corroboraverit.

CA-

CAPUT III.

Quinam sint Capaces Primariarum Precum? Qua Bene-
ficia his Precibus afficiantur? que contra excipiantur?
ac intrà quod tempus Precista optare debeat?

§. 1. Examinato in Capite precedente, Quis? & ex quo Jure, Preces exercercent? videndum nunc recto ordine, quis cum effectu Precista constitui possit?. Et generatin quidem, si Præscriptum Ss. Canonum attendere fas est, Precistas iis virtutibus, dotibus, ac qualitatibus eminere oportet, quæ alias in Statu Canonicali, aut Clericali desiderari solent; Is enim, qui inhabilis est ad Beneficium obtainendum, inhabilis quoque est ad illud optandum. Ergò I. requiritur, ut non Laicus sit, sed Clericus, primâ saltē Tonsura initiatus tempore acceptationis, & collationis, eō quod in Beneficialibus attendatur tempus præsens, sive collationis. *Hermes Cap. II. Qu. 55.* II. Ut non sit notatus illegitimis natalibus, vel aliqua sive ex delicto, sive ex defectu proveniente irregularitate, & Juris communis obstaculo impeditus. Nec mirum, cum Sanctiones Conciliorum, & Decreta Pontificum à consecratione omnis Beneficii Irregulares, aut Illegitimos gravibus ex causis excludant. Nec sufficiet natalium restitutio ab Imperatore facta, ut potè quæ ad Beneficia lia non extenditur. Secūs esse dicit Chokier pag. 76. Si cum Illegitimo à Papa dispensetur. An verò Ecclesiæ Germanicæ, sive Cathedrales, sive Collegiate admittantur sive taliter dispensatos, valde dubitare licet; indecorum quippe foret, ejusmodi homines tam Insignibus adscribi Ecclesiis, atque in consortium Illustrum Personarum, aut saltē honestā Parentela gloriantum admitti. III. Ut habeat Aetatem, Scientiam, Ordinem, & qualitates alias, quæ ad Beneficii affectionem, vel ex Juris communis dispositione, vel ex Fundatione requiruntur. Exploratum quippe est: Preces Imperiales illi Juri, & Fundationibus derogare non posse, uti insinuavi supra Cap. II. §. 5. ad Questionem: *An Imperator concedendo Preces possit immutare naturam Beneficii?* Ulterius verò

§. 2. Hic procedunt Interpretes, & querunt: Quid si illa qualitas ad obtainendum Beneficium non ex Jure communi, aut Lege Fundacionis requereretur, sed ex speciali duntaxat Ecclesiæ Statuto, aut Consuetudine: Au tunc Precista tale Beneficium absque ea qualitate posset consequi? Nonnulli, ut Leutenberg hic Qu. 610., Wagnerick, & Chokier id affirmant, dictitantes hujuscemodi Statutis in Indultis Primariarum Precum à Sede Apostolica esse derogatum, cuius rei confirmandæ causa in medium producunt Nobilis cujusdam Ecclesiæ Capitulum à Ferdinando II. nominatum Precistam Nobilitate carentem tandem admittere suisse contum.

actum. Verum misso, an Summus Pontifex per suas Constitutiones Statutis & Consuetudinibus specialibus Ecclesiarum Germanicarum derogare possit, attamen in hac Precum causa potius attendenda erunt Praxis Imperii communis contraria, facta Ecclesiarum, quae consimile quid tantum ipsimet Pontifici obnituntur, Capitulationes Cæsareæ, vi quarum Cæsar Statuta, & laudabiles Consuetudines Ecclesiarum Germanicarum tueri terretur; & demum *Instrumentum Pacis Westphalicæ art. V. §. XVIII.* Ubi Precum effectu duntaxat gaudere posse dicitur, qui ad normam Statutorum & observantia idoneus habetur. Imò cum Imperator nominando Precistam intret quasi in locum Collatorum Ordinariorum pariter ut illi, tenebitur specialia Statuta, & consuetudines observare; quodque afferatur de Ferdinando II. præjudicium, tanti momenti non est, ut has rationes elidat, fortassis enim in illa Ecclesia Imperatores tales consuetudinem, quæ hic vel maximè attendenda, introduxerant: *Ultimè* querunt Interpretes: An quis à posteriori Precum fiat incapax contrahendo Matrimonium, emittingo Professionem Religiosam? & R. *Hermes Cap. II.* Qu. 45. Quod Imperator contrahenti Matrimonium Precistæ alium furrogare possit. Quid si verò Matrimonium non tenuerit? Precibus non excidit, Cap. *non præstat de Regulis Juris in 6.*, Imò qui impetravit Preces, dein uxorem duxit, si tempore vacantis postea Præbendæ Uxor mortuafit (lique Preces per Imperatorem non fuerint revocatae) primam vacante prætendere poterit in sua Viduitate... quod in secundo Casu Precista emittingo Professionem Religiosam excidat jure Precum affirmat. *Chokier pag. 30.* cum Professione emissa non detur regreslus ad Beneficia secularia, scilicet ergo esset, si quā Precista ad Novitiatum esset admisla, tunc enim Professione emissa Preces plenum fortirentur effectum.

§. 3. Quæ Beneficia Primariis Precibus subjaceant, aut non? *adum* præsentis Capitis membrum erat, vindicat autem *Formula Precum Cæsarearum* Imperatori Jus porrigendi suas Primarias Preces ad omnes & singulos Collatores, Collatrices, Capitula, Conventus & Collegia, & alias Personas de Beneficiis per Universum Romanum Imperium constitutis quounque modo disponendi Jus habentes. Verum limitatur hoc cognoscendi principium; quod non competit Imperatori Facultas, ad has Personas commenmoratas dirigendi Preces, nisi *Consuetudine* ea sit quæfita, ac firmata: cum enim mensura illius Juris ex ea duntaxat juxta ipsam Cæsarum Contestationem sit desumenda, ad eam unicè respiciatur necesse est. Si proindè ad totum Capitulum, Conventum, vel alium quemcunque Collatorem non fuerint Preces unquam anteà directæ, aut si quæ sint porrectæ, effectu tamen semper caruerint, illæ nec modò dirigi poterunt.

§. 4. Porrò adseritur in eadem *formula Cæsari* Potestas consequendi pro Nominatis Precistis *Beneficia Ecclesiastica cum Cura*, & *sine Cura*, Circā

Circà quod tamen observandum : quod ubi Cæsari ex Consuetudine integrum sit , nominandi Precistam ad Curatum Beneficium , talis antea admitti non soleat, quām p̄eviously examinatus , & ab Ordinario approbatuſ, Chockier pag. 37. Leuren. Qu. 607. N. 8., Res enim eſſet plena periculi, inexperto comittere curam animarum. II. Comprehendit Formula illa Precum Beneficia omnia ſecularia ; at h̄ic quoque animadverſione opus eſt: ſic nānque Consuetudo illa antiqua, & approbata ſe non extendit I. ad Beneficia Apostolicæ Provisioni rēſervata , Extravag. ad Regim̄, videlicet Dignitates , & Beneficia S. R. E. Cardinalium, Officialium, Curialium, Familiarium Papæ , & aliorum ibi expreſſorum. Item Beneficia vacantia in Curia , & Eorum , qui ad hanc accedentes, ab Eāve rēcedentes in Locis ultra duas Diætas ab eā non remotis ex vivis decedunt Chockier pag. 73. II. Nec ad Dignitates Pontificales , five Episcopales , ut potè quarun Electio libera Capitulis Cathedralibus competit , neque eam unquām Cæſares per Preces citrā Concordatorum violatiōnem , ac Juris jurandi iſfractionem imminuere aut quārent, aut tentabunt. III. Nec ad Dignitates Pontificabuſ proximas in Ecclesiis Metropolitanis & Cathedralibus , ut in Imperio nostro ſunt Præposituræ , vel Decanatus. IV. Nec ad Dignitates primas in Collegiatis. V. Nec ad Beneficia ad Sedem Apostolicam legitimè devoluta. Dico : ad Apostolicam Sedem, Ergo, ſi ad immediatum ſuperiorem , Pontifice tamē inferiorē devoluta ſint , Precibus erunt obnoxia, Exceſſione firmante Regulam in Casib⁹ non exceptis. Hermes Cap. II. Qu. 28. VI. Nec ad Litigiosa , id eſt, ſuper quorum proprietate eorum Posſefforibus defunctis mota Lis adhuc indecisa pendet , quia gratiæ exſpectatiæ, quibus Preces accenſentur, generaliter non cadant ſuper Beneficia litigiosa , niſi vel Lis ſit notoriè frivola & calumnioſa , vel ſolū ſuper Beneficii poſleſſione , Leuren. Qu. 608. N. 6. VII. Nec ad Beneficia Monocularia , non enim ſolent Imperatores gravare Collatores, niſi quatuor conſerue habeant Beneficia, ac aliæ Collator totò vitæ ſue tempore nunquām ipſe conſerue poſlet. VIII. Nec ad Beneficia Juris patronatū Laici , & mixti , ne Patroni ab hujusmodi Piis Fundationib⁹ abſterreantur. IX. Nec ad Manualia ad natum revo- cabilia. Item Ministerialia, quibus annexum eſt onus canendi, vel diri- gendi Canentes in Choro ut Vicariatus Chori , nam in his nec Consuetudo antiqua, nec Praxis moderna Cæſari ſuffragatur. X. Nec regulari- ter ad Beneficia vacantia per Resignationem , aut permutationem Chockier. pag. 35., Leuren. Qu. 608. N. 8. & 9, Ubi largè adhuc tractat, quānam Be- neficia ſæcularia insuper à Precibus excipientur, quo me remitto. Il- lud tamen h̄ic ſemper præ oculis habendum , quid ſecum ferat Consue- tudo , & Observantia.

§. 5 III. Extendit ſe Formula Precum Cæſarearum ad Beneficia Re- gularia : quo ſuper me refero ad Cap. I. §. 8. h̄ic addens, quod Preces

Cæfareæ ad Beneficia Regularia locum habentes differant à *Literis Panis* ad Monasteria per Imperatores dari solitis, super quibus in *Epistola Infructiva superius Cap. II.* citata Benedictus XIV. §. 11. habet sequentia. Id omni œvo habuit Imperator, ut invalidos milites, atque rerum administratos Monasteriis commendaret ad præbendorum largitionem: turpiter cum hoc Jure plerique confundunt Preces Primarias, quibuscum nihil habet commune.. Differentiæ enim variæ sunt Primarias Preces inter, & Literas panis: Primariae Preces semel tantum excentur per Neo-Electum Imperatorem, Commendationes autem invalidorum militum solent fieri, quoties Miles commendatus deficit. Preces Primariæ excentur favore Clericorum ad Ecclesiae Servitium, Literæ panis autem dantur pro vita mediis Laico ad ea comparanda ex supportatis belli, aliisque incommoditatibus reddito incapaci. IV. Eadem Precum Cæsarearum *Formula nominativi* varia Beneficia sæcularia exprimit, & falcis Precum Primariarum submittit semper enim hæc inferuntur verba: *Etiam si Canonicatus & Præbenda, Personatus, Administrationes, vel Officia fuerint in Collegiata, Cathedrali, vel Metropolitana Ecclesia: etiam si ad ea consueverint qui per Electionem assumi, ad Collatorum, Collatricum, Capitularum, Collegiorum, sive Personarum prædictarum Collationem, Provisionem, Electionem, Nominationem, Præsentationem, seu quamlibet aliam Ordinationem conjunctim vel divisim spectantia.* *An vero hæc omnia ita illimitatè hodiecum procedant, distinguendum erit: Inter Officia, & Dignitates, quæ Præbenda euidam vi Fundationis, vel Consuetudinis aut Statuti aliquius Ecclesiae sunt *indivisiæ* annexæ. Et inter illas, quæ Canoniciatu annexæ non sunt. Quod primo casu Precista vacante tali Præbenda Precibus Primariis alkis obnoxia simul optare possit annexam *indivisiæ* Dignitatem, aut Officium, certi Juris est; sicuti enim ab Ordinario alias Providendus, una simul accepere talis Dignitatem, aut Officium annexum, sic idem jus erit Precistæ. Quid vero in altero casu decidendum, ubi talis Dignitas non est Præbenda annexa, sed vel per Electionem, vel ratione Senii, vel alio modo distribuitur, certam Regulam non adstrogo, optimè id quævis Ecclesia teste experientia & usu determinabit; cum enim Iysim Imperatores ex antiqua Consuetudine Jus suum deriverint, ultrà se gravari nulla permettit Ecclesia: Hæc Generalia sunt de Beneficiis Precibus Primariis subjectis, aut non subjectis.*

§. 6. Specialia huc examinant Interpretes, & I. quid statuendum quoad *Beneficia erecta prius post concessas alicui Preces*, An & hæc Precista statim valeat optare? Et Sententia Negativa præplacet, tum ne Fundatores deterrentur, si fundata à se Beneficia statim deberentur Precistæ, nec ipsi haberent liberam collationem, tum quia tale Beneficium noviter erectum propriè non dicitur vacare, *Leuren. Qu. 608. N. 10. II.* Quid quoad *Beneficia Unita*, e. g. Collator Ecclesiasticus, ad quem directæ Pre-

Preces, hoc tempore habebat adhuc conferre quatuor Beneficia, postea unum illorum sicut unitum: quid juris? nocebitne Precista? nequaquam *R. Chockier pag. 46.*, quia tempus datae in hoc Casu inspici debet, *Cap. si eo tempore de Rescript. in 6. III.* Quid dicendum quoad *Beneficia suppressa?* Si in aliqua Ecclesia Statutum sit factum, ut legitima ex causa supprimatur unus, vel plures Canonicatus, ut 12 Canonicare digantur ad septem, nec ante post mortem praefentium Canonicorum ulli provideatur, quam ad Septenarium numerum devenitum sit. Quæritur: An Precista exspectare *débeat*, donec quinque sint mortui, & dein moriatur sextus? quod negatur, quia hoc Statutum interpretandum est, ut Nulli noceatur, nec Cæsari, nec Precistæ, unde fit, quod ejusmodi Suppressiones non valeant; nisi citatis omnibus, quorum interest, & ut causæ cognitio adhibeat, an vergat in evidentem Ecclesiæ utilitatem, *Hermes Qu. 25.* IV, Speciale dubium hinc movetur, an Imperatori quoque competit jus Precum in Terris *Augustane Confessioni addictis?* Quæstio hæc pro, & contraria ventilata decisa tandem sicut in *Instrumento Pacis Westph.* Art. V. §. 18. In his verbis = *Ubi Sacra Cæsarea Majestas Jus Primariarum Precum exercuit, exerceat etiam in posterum, dummodo decedente Augustanæ Confessioni addicto in ejus Religionis Episcopatibus Confessioni Augustanæ addictus ad normam Statutorum & observantiæ Idoneus Precibus fruatur...* In mixtis vero ex utraque Religione, seu Episcopatibus, seu aliis Locis IMMEDIATIS Precibus Primariis Praesentatus non gaudeat, nisi Beneficium vacans Religionis consors possederit... Et in art. 5. §. 25. In quibuscumque etiam Foundationibus mediatis Anno 1624. die 1. Januarii Sacra Cæsarea Majestas Preces Primarias exercuit, exerceat eas & in posterum ad modum circa Bona immediata superius (§. 18.) explicatum. Differentia igitur est, quod in Locis *Immediatis*, id est: Capitulis Metropolitanis & Cathedralibus Imperatori Jus Primariarum Precum indiscriminatim confirmetur. nullæ facta termini normalis mentione, modò illud ante conditam Anno 1648. Pacem Westph., non autem præcisè ante terminum normalem Anno 1624. Die 1ma Januarii in iis Ecclesiis exercuerit. Et hinc si e. g. Ferdinandus II. post diem & annum normalem Preces in aliqua Ecclesia *immediata* Protestantium exercuisset, Preces Successoribus Imperatoribus salvæ persistent, licet non constaret, an ipse, aut Prædecessores sui Preces in illa Ecclesia *immediata* unquam ante istum terminum exercuerint. Secùs statuitur de Ecclesiis mediatis, hic enim terminus normalis adjicitur, ut itaque in his Imperator Preces exercere valeat, requiritur, ut die 1ma Januarii 1624. jus illud verè exercuerit, id est: in ejusdem possessione fuerit. Debuit igitur Ferdinandus II. ante terminum normalem 1624. Die 1ma Januarii aut saltem ex dicti Ferdinandi II. Antecessoribus aliquis in ipsis Ecclesiis Protestantium mediatis Preces exercuisse.

§. 7. Dictum in prima hujus Capitis parte: quid requiratur ex parte Precistæ, ut rite, & cum effectu nominari ad aliquod Beneficium possit? Verum nominatione hac etiam debitè facta requiruntur & alia, ut effectum Primariarum Precum consequatur. Et antè omnia si vacans Beneficium optare velit, habet enim (juxta formalia \equiv duxerit acceptandum \equiv in Diplomate Precum Cæsareo adhiberi solita) facultatem omittendi Beneficium vacans, & exspectandi aliud vacaturum; si, inquam, vacans optare velit, tenetur *infra mensem*; Postquam ipsi *vacatio Beneficii* in Ecclesia per Primarias Preces expressa *innotuerit*, per se, vel per Procuratorem ad id speciale mandatum habentem Beneficium vacans acceptare, Primi Precibus Collatori ordinario Episcopo, vel Capitulo capitulariter congregato ante*insinuatis Chockier pag. 73.* quo mense quin acceptatio facta, elapsi Preces pro ea vice exspirant ex parte Precistæ, qui suæ negligentiae imputare debet, quod in acceptando Beneficio vacante terminum præfixum non observarit, ne alias diutina nimis esset Beneficiorum *vacatio*. Nonnullæ tamen hic oboriuntur difficultates, in primis, à quo tempore incipiat currere iste mensis ad acceptandum datum? & communis est Doctorum Responso: eundem currere à die notæ *vacationis*, ut edisserunt clare verba mox adducta ex tenore Precum. Sed Quæres: quandonam Precista habendus sufficientem habere notitiam? R. à tempore publicæ *vacationis* in loco Ecclesiæ, ubi Beneficium est. *Hermes Cap. I. Qu. 49:* Quæres ad: An post mensem Precista adhuc acceptare poterit, si res adhuc sit *integra*, nec vacans Beneficium ab Ordinario alteri collatum? & Negativam de Jure teneo Sententiam, quia non servata forma *praescripta actus nullus est*, & facit, quod post mensem Executor ei providere nequeat, obstante scilicet formâ Mandati, cuius fines stricte custodiendi sunt, *Hermes Qu. 53.* Quæres *3ti*, utrum hic mensis terminus currat quoque contra minorem 25 annis, aut alium legitimè impeditur? Ita, ut si talis intrà mensem non acceptaverit Beneficium vacans, hoc ipsum postea, si res sit *integra*, si non, à Collatore Ordinario petere posset. Et communius id Authores affirmant ex ratione: quod tempus ad certum actum præfixum durante minore aetate, aut legitimo impedimento non currat. *Wagnereck versu, infra mensem, Qu. 5. Hermes Qu. 50.*

§. 8. Dixi initio §. præcedent: Precistam non debere præcisè primò vacans optare Beneficium, sed posse exspectare alterum. Ponitur casus: si primum vacans acceptaverit, idque Collatori ordinario declaraverit, an & variare licebit? & R. variare amplius non poterit, adeò, ut si acceptati Beneficii Provisionem admittere nolit, aliud deinceps petere haud possit; hancque Sententiam restè dicit *Chockier pag. 68.* Utroque jure certam; limitatur tamen, ut non procedat l. quando primum actus (acceptationis) fuerit invalidus, veluti si necdum vacasset Beneficium

ficiū illud, si immīne extītisſet ab onēre Precūm, Dispositio enim loquens de actū, intelligi debet de primo actū valido, adeōque per acceptationem invalidam dispositio, seu facultas acceptandi non tollitur. II. Quandō acceptans non possit consequi Beneficiū illud, quod accep-tavit; ut si dispēndiōsae liti proptereā implicaretur, non enim tantis sumptibus, & via litis aliās à Ss. Canonib⁹ aliena in Beneficii cujus-dam possessionem se se quis protrudere tenet. Secūs igitur esset, si lis esset frivola. 2dō si Precista litem fati⁹ prævidisset, & tamen acceptas-set, deberet enim litem tūm prosequi, & Sententiā contrā se fortassis lata aliud vi Precūm exspectare Beneficiū. Ultimō pro Coronide præ-sentis Capitis digna videtur Quæstio: An detur *Cumulatio Titulorum Pro-visionis Ordinarii*, & Precūm? Seu cum Nominato à Cæſare objiceretur: Beneficiū non esse Precibus affectum: An poſthabitis Precibus Provisionem ab Ordinario recipere possit? quā in re facilis est Responsio affirmativa, idque sive Beneficiū vacans ſolum prætenderetur à Preci-bus immīne, sive revera tale eſſet, electa enim via diſſicili aut inutili, non tollitur facilior, aut utilior, & quemadmodū qui à Patrono præ-pentatus ad quoddam Beneficiū, litigioso tamen Jure patronatus exi-ſtente, Jus, ſiquid habet ex Præſentatione, diſmittere, & à Collatore idem Beneficiū impetrare potest, ita hoc idem Precistæ haud erit in-terdictum, licet enim hæ duæ gratiæ Precūm, & Collationis Ordinariæ ſint diſverſae, non tamen ſunt ſibi contrariae, ut potè ad eundem tenden-tes finem. *Hermes Cap. II. Qu. 62.*

CAPUT IV.

An Precibus Cæſareis & Canones, & S. Concilium Tridentinum, & Concordata Germania obſtent?
ubi & de Executoribus Precum Cæſarearum.

§. I. **M**ulta huc usque verba facta ſunt de antiqua, & approbata con-fuetudine; dubium hic incidere alicui poſſet: An ejusmodi Consuetudo fuerit valida? Ed quod I. Sacris Canonib⁹ videatur adver-fari, quibus exspectativæ ad Beneficia vacatura, & Provisiones de Præ-bendis viventium, per quas Votum captandæ mortis alienæ plenissimum tristissimi eventus inducitur. *Leg. fin. Cod. de Pactis.* præſertim in Ecclesia Christi damnentur, *Cap. 2. & II. de Conc. Præbend., & Cip. 2. tit. eod. in 6.* Quin & in Regula Cancell. 20. proviſum, quod ſiquis ſupplicaverit, ſibi de Beneficio quoconque tanquam per obitum vacante, qui adhuc vivit, provideri, ſi poſteā idipſum per obitum vacet, Proviſio antē facta nul-lius

Ius sit momenti non tantum prior, sed etiamsi renovata sit. *Clockier ad d. Reg. Canzell.* His tamen non attentis valere Preces verius est, tum quia haec primiarum Precum concessio generalis est & incerta, ut recte advertit *Gail. Lib. 2. observ. 155. N. 7.* tum quia sicut omissis Consuetudo contra Legem tacito Legislatoris Consensu tandem dicitur approbata, sic & haec Consuetudo Precum, utut contra Canones introducta, tacito Legislatoris (Pontificis) consensu approbata recte dicitur. Nec II. obstat Concilium Trident. *Sess. 24. Cap. 19. de reform.* licet enim, predictis Canonibus insistens, quascunque concessiones ad vacatura Beneficia tollat, easdemque nemini nec Collegiis, nec Universitatibus, nec Senatus, nec singularibus Personis, imò nec Romanæ Ecclesiae Cardinalibus quovis colore amplius permittat. Nulla tamen ibi Precum Cæfarearum in Specie fit mentio. Præterea si dictum Concilium Preces Primarias voluisse suā Prohibitione contineri, debuisset etiam Personam Imperatoris, speciali utpote Notā digni, exprimere, uti in verbis exprefserat Collegia, Universitates, Senatus, singulares Personas, Ecclesiæque Romanæ Cardinales. Declarat id ipsamet Congregatio Cardinalium Concilii Tridentini Interpretum, quam declarationem hinc adducit *Clockier pag. 2.* ubi: *& ultrà rationes ponderatas à Congregatione, addit Sanctitas sua (Gregorius XIII.) quod meminit tempore Concilii (huic enim dictus Gregorius, postea Pontifex, simul interfuerat) quando formabatur dictum Cap. 19. aliquos valuisse addere Primarias Preces Imperatori concessas, sed communior Sententia Patrum fuit, quod tolleretur earum mentio, sicque non comprehenduntur dicto Cap. 19.*

§. 2. Utrum III. Concordata Germaniae obstant Precibus Primariis, sunt qui negant, sunt qui affirmant. Sententiae Negativæ, quam & amplector, fundamenta sunt sequentia, I. Quod Juris Primiarum Precum nulla omnino in Concordatis fiat mentio; ergo nec dici poterit Jus illud per Concordata sublatum. II. Tacita namque derogatio hujus juris tam Antiqui præsumi non poterit, præsertim cum Imperatori Consuetudine legitimè introducta Jus Precum irrevocabile erat quæsitum, quod invito auferri non poterat, vel maximè, quia Consuetudo ista erat multorum Sæculorum, & sic plusquam immemorialis, quæ Consuetudo non censetur sublata, nisi expressa mentio de ea in posterum non amplius valitura in posteriore Lege, aut Constitutione habeatur. III. Imperatores etiam statim à tempore Erectorum Concordatorum fundabant Jus suum Primiarum Precum adhuc in antiqua & approbata Consuetudine, quod utique facere non potuissent, si per Concordata Jus illud, consequenter & Consuetudo illa Antiqua suislet sublata. IV. Si Juri Primiarum Precum, & Exspectativæ in illis contentæ per Concordata Germaniae Anno 1448. conclusa modò suislet derogatum, tunc fane post finitum An-

no 1574. Sacrum Concilium Tridentin., & sic post sesqui ferè Sæculum fruſtrâ mota fuiffet Quæſtio: An in hoc Concilio Preces Primariæ ob Exspectativam inibi contentam eſtent abrogatæ, paritérque omnino fruſtrâ declaraffet S. Congregatio, & Ipſemēt Summus Pontifex: quod, licet aliqui pro tempore celebrati Concilii dubitâſtent: an per abrogatio- nem exſpectativarum etiam Primariæ Preces deberent dici mortificatæ, attamen contraria Sententia prævaluerit, nempè, exſpectativas in Pre- cibus Primariis contentas, inattentâ derogatione Exſpectativarum in Tridentino factâ locum habere; id quod profecto declarari non potuiffet, si Preces ob Exſpectativam inibi comprehensam modò per sesqui abante Sæculum in Concordatis sublatæ fuiffent. Nec quidquam evincunt argu- menta, quæ hic congerunt affirmativæ Sententiae Patroni, dum dicunt I. Pacto Concordatorum publico Sedi Apostolicæ reservata fūt Beneficia, quæcunque in Curia vacarent. Item Beneficia Cardinalium & Cu- rialium Pontificiorum, quoquinque ea loco vacarent. Post libertatem Electionum Ecclesiis Cathedralibus, & Abbatialibus restitutam reliquæ Dignitates, exceptis Primariis cuiuscunque Ecclesiæ Cathedralis, & Col- legiatæ. Item alia Beneficia omnia Pontificem inter & Ordinarios per menses alternos æquatis partibus pro collatione divisa fuere; hæcque omnia facta Friderico III. sciente, non contradicente, nec reservante, nec mentionem Juris sui ullam faciente... Verum lubenter permitto, quod Imperator Fridericus III. Author Concordatorum haec omnia sci- verit, non contradixerit, nihil ſibi reservando, nullam Juris ſui mentio- nem faciendo, fed quæro: cur Imperator: per hæc omnia Jus ſuum ni- hil omnino laedi edoctus, contradixifft? cur Jus ſuum, quod non attin- gebatur, ſibi reservavifft? Nam primò quoad Beneficia Sedi Apostolicæ reservata nihil omnino novi in Concordatis fuit statutum, fed tantum Extravagans ad Regimen repetita, ad quæ Beneficia nec ante Erectionem Concordatorum Consuetudo illa antiqua, & approbata Juris Primaria- rum Precum ſe ſe extendit, indeque nullâ Imperatoris Contradictione opus. Nec ſecundò per hoc (quod omnia Beneficia; exceptis Primariis cuiuscunque Ecclesiæ Cathedralis, & Collegiate Dignitatibus, inter Ponti- ficem, & Ordinarios per menses alternos æquatis partibus pro collatio- ne divisa fuerint) nec per hoc, inquam, pallium fuit Jus Cæſareum; hæc enim Divisio non excludebat Preces Cæſareas, cum res ad Dividentes tranfeat eum ſuo onere; nulla ergò & hoc caſu requirebatur Imperato- ris contradictione, nulla juris ſui mentio, aut reservatio. Nec II. movet illud Adversariorum de ſe ſane speciosum Argumentum, dum dicunt: cur Ipſemēt Fridericus III. apud Pontificem tūm temporis Nicolaum V. instare potuiffet, ut per Indultum Concordatis derogaret? cur denique omnes Pontifices poſteā Indulta concedentes talem Concordatorum dero- gationem inferuerunt? Cur Friderici III. Succelfores id permiferunt ni-

hil omnino obnoventes tali derogatione opus hand esse? Nam ~~1492~~ ¹⁵⁰³ hic
 oppono rationem meæ Sententiae decideudi tertiam jam autem allataum.
 Accedit ~~218~~, suppositum esse illorum argumentum, dum dicunt: om-
 nes Pontifices post Nicolaum V. per sua Indulta Concordatis *derogasse*,
 omnes quoque Friderici III. Successores Imperatores id *admisisse*. Nam
 nec Indultum Innocentii VIII. Maximiliano I. *immediato* Friderici III. Suc-
 cessori Anno 1492. datum (dico notanter *immediato Successori*: & sic con-
 stat: Innocentium VIII. fuisse, qui primum post Nicolaum V., & Fride-
 ricum III. mortuos Indultum dederit) nec inquam hoc Indultum Inno-
 centii VIII., nec Indulta Clementis VII. Carolo V., & Ferdinando I. data
 continent Clausulam Concordatorum *derogatoriam*, unde sequitur: quod hi
 tres Imperatores ab Anno 1492. usque ad annum 1564. (quo in Anno
 Maximilianus II. Ferdinandi I. Filius in Romanorum Regem est electus)
 consequenter per Annos 70. Concordatis Germaniae certò sat propinquos
 exercuerint Preces Primarias, absque quod Concordatis fuerit deroga-
 tum, prout patet ex Indultis apud *Oligenum à pag. 69. usque ad pag. 89.*
per extensum relatis. Et cur denique Fridericus III. clausulam hanc dero-
 gatoriam non potuisset expetere? Cur alii Imperatores ejusdem Fride-
 rici, ex longo tamen satls intervallo, Successores illam non permisissent
 inseri Indulis Apostolicis? Non ut per hoc Jus Precum in Concordatis
 prætensiæ amissum recuperarent, sed ut illud jus legitima Confuetudine
 acquisitum, nec per Concordata unquam laesum firmaretur magis & cor-
 roboraretur, Verissimum ergo est, quod nec Sacri Canones, nec S. Con-
 cilium Trid., nec Concordata Germaniae Jus exercendarum Primiarum
 Precum ullo in passu abrogaverint, eò quod Imperatores, sive eos, qui post
 dictum Concilium regnârunt, consideremus, semper in concessione Pre-
 cum Primiarum illa adhibuerint formalia, quod Preces Primarias *ex*
antiqua, inveterata, approbata, etiam auctoritate Apostolica corroborata Confue-
tudine exercearent, quo super me referto ad ista formalia, quæ in supe-
 riùs adducta Benedicti XIV. Epistola Instructiva §§. 18., ac 19. habentur,
 dum nempè Imperatores Rudolphus II., Ferdinandus II., Matthias, ac
 Ferdinandus III. in concessione Precum Cæsarearum semper dixerunt: se-
 istud Jus exercere *ex inveterata Confuetudine etiam Apostolica auctoritate ro-*
borata. Ergo inveterata Confuetudo præcessit, quæ per tacitum specia-
 lem Summi Pontificis Consensum per tot Sæcula fuit approbata, & ex-
 pressa corroboratio Apostolica per speciale Indultum Apostolicum subse-
 quens superaccessit. Ex quibus Formalibus fundatè infero: quod istam
 inveterata Confuetudo (utut Spem obtainendi vacantia in futurum Bene-
 ficia contineat: per S. Concilium Trid. non sit sublata, cæteroquin enim
 hi Imperatores post Tridentinam Synodum finitam proximè sequentes non
 potuissent ad istam inveteratam Confuetudinem provocare; & quia non
 con-

constat: quod Imperatores autem Tridentinum post celebrata Germaniae Concordata Imperantes alia formulâ, quam in inveterata Consuetudine suum fundamentum ponente, in concessionibus Precum Cæsarearum fuerint usi. Idcirco meæ Sententiae firmiter insisto: quod nec per S. Concilium Trid., nec per Concordata Germaniae inveterata ista Precum Cæsarearum exercendarum Consuetudo possit dici ullo in passu abrogata, sublataque. Cæteras rationes supersedeo, & ad ultimum præsentis Capitis Punctum, nempe de Executoribus Primariarum Precum acturus descendō.

§. 3. De constituendis Primariarum Precum Executoribus antem Friderici III. tempora ex Historiæ monumentis parvum, aut nihil prorsus constat, id quod tamen hodie dum in omnibus Diplomatibus Cæsareis, queis Primariæ Preces diriguntur, observari solet, sed quo Jure Personas in Ecclesiastica Dignitate constitutas Imperator ad exequendum deputare possit, non est adeò apud Doctores in confessio... Quod Jure Majestatico id possit, facilè edixerint Authores Protestantici, qui Jus circa sacra, quamvis falso, Ipsi afferunt, cum vero hæc sententia Principiis Catholicorum adversetur, à vero eam abludere nemo Orthodoxorum inficias ibit; Hinc verius ex *Indulso Apostolico speciali expresso* id Juris Imperatorem exercere judico (hicque se exserit insignis ille Indultorum Apostolicorum effectus, de quo suprà Cap. II. §. fin. mentionem faciebam) ratio est: tūn quod Cæsar ex se non habeat Jurisdictionem in Viros Ecclesiasticos in rebus Ecclesiasticis ac Beneficiariis, tūn quod in Executoribus hiscè talis emittat potestas, quam ab Imperatore habere non possunt; Dico tamen signanter ex *Indulso Pontificio Speciali expresso* Imperatoribus competere hoc Jus constituendi Viros Ecclesiasticos tanquam Precum Executores, sicut jam Imperatores utuntur Jure illo ex consensu Pontificum expresso, sic & Jus illud potuissent acquirere *Consensu Ilorum tacito*, modò legitimam illam Precum exercendarum Consuetudinem & eò extendissent. Quos vero Imperator vigore Indulti Executores Primariarum Precum denominat, sint *Viri Ecclesiastici quadam Dignitate conspicui*, quibus accensentur Personatum obtinentes, & Ecclesiarum Cathedralium Canonici, cum his solis causæ Authoritate Literarum Sedis Apostolicæ, vel Legatorum ejusdem committi possint, *Cap. statutum de Rescript. in 6...* Cum jam plerunque Principes Imperii Ecclesiastici constituantur Executores Primariarum Precum, hi autem negotiorum publicorum, & Ecclesiæ; & Territorii Mole, atque magnitudine obruantur, Quæstio esse posset: An Executores Primariarum Precum suum in locum possint substituere alios, uti Subexecutores? & hoc de Jure omni caret dubio; cum enim Delegati sumini Principis commissam sibi Jurisdictionem aliis subdelegare valeant juxta clara Jura *Cap. 27.*, & *fin. de Offic. Delegat. L. 5. col. de Judic.* Nec Executoribus Primariarum Precum talis potestas denegari poterit. Unde tam

men *Quæstio* exsurgit alia hic breviter evocanda : Utrum hi Executores quosvis Clericos ad id muneris exequendum surrogare queant ? Et sine dubio id non poterunt ; nam quemadmodum Executorum munia ex Indultis Apostolicis , & ex praxi assumere nequeunt , nisi Viri in Dignitate Ecclesiastica constituti , ita ex eodem momento Subexecutores agere haud poterunt , nisi item in quâdam Dignitate Ecclesiastica constituti .

§. 4. De cætero amplissima est Executorum hujusmodi , & subexecutorum potestas , adeo ut quosvis Collatores , etiam exemptos (gerunt enim vicem Summi Pontificis) Precibus ad se directis non deserentes , ad Beneficia Personis nominatis conferenda , etiam , si opus esset , per Censuras Ecclesiasticas compellere valeant , id quod passim incalcent Indulta Pontificia . Sed ulterius hic quæritur : Utrum Executores hi , aut Subexecutores , casu quo Ordinarii Beneficiorum Collatores nullâ ratione , nulliusque Censure timore ad conferenda Nominatis Beneficia adduci possent , Ipsi met Jure conferendi gauderent ? Hac in re in absentem concedo Sententiam , enim verò ut Primariæ Preces suo non frustrantur effectu , in eum saltem casum debet esse facultas conferendi iisdem concessa , quo spretis etiam Censuris Ecclesiasticis Collatores conferre detrectarent , ut & sat dilucidè indicare videntur Indulta Pontificia . Evidem fuit Authors nonnulli Wagnereck §. 3. *versus conferre* , qui etiam extrâ casum , quo Collator Ordinarius Precistæ Beneficium conferre renueret , jus conferendi Executoribus ab Imperatore deputatis competere affirmant ex ex eo : quod in Indultis Executores Beneficia Nominatis conferre , & assignare jubeantur , de Ordinariis verò dicatur : *quod Personas ad hujusmodi Beneficia , postquam ipsis de iis canonice provisum fuerit , juxta Precum & Nominationum tenorem recipere , & admittere* , hoc est : jam Institutos in possessionem inducere , seu installare debeant ; in quorum sententia necessario Sententiae præfixæ Decisio in affirmativam foret resolvenda . Ast veritati & æquitati longè conformius est judicium aliorum , potestate in Nominatos instituendi , & Beneficium , ad quod nominati sunt , conferendi Episcopis & aliis Ordinariis Collatoribus adstruentium , Chockier pag. 27. Idque I. evincitur ex formulis Primariarum Precum à Cæsaribus usque modò usitatis , quies Collatores ab eisdem pro Collatione , seu Provilione facienda requiruntur . II. Ex eo : quod non sit verisimile , per facultatem Primariarum Precum esse Ordinariis Jus conferendi ademptum , inquit Executores translatum , cum non interfit Imperatoris , quis habeat collationem , aut institutionem , modò Precista sortiatur Precum Primariarum effectum . III. Ex praxi in Imperio notoriâ , quâ Capitula , & Collatores Beneficia ad suam collationem pertinentia nominatis Precistis conferre solent , unde recitata Indultorum Formalia \equiv postquam ipsis de iis Canonice provisum fuerit \equiv ad Ordinarios Collatores regulariter sunt referenda ; vel si referantur ad Executores , exaudienda sunt de Beneficiis ,

neficiis, quæ Nominatis Collatores ordinarii conferre recusarunt. Ceterum nequaquam disiteor, Executores Apostolica authoritate deputatos jus habere conferendi Beneficia in mensibus Papalibus vacantia, cum enim hæc ad Capitulorum, aut aliorum Collatorum collationem vi Concordatorum nullatenis spectent, nec ea conferre poterunt, quo in casu duntaxat Episcopi, Capitula, aut alii Collatores Precistas de ejusmodi Beneficiis provilos ad actualem possessionem admitttere tenentur.

§. 5. Ut verò ritè procedat Executor, aut Subexecutor, sequentia notet necesse est, I. à Precista intra mensem, huic ad acceptandum præfixum, sit requisitus, irrequitus enim suum Officium interponere nec potest, nec tenetur. II. Requisitus bene attendat in Statuta, & consuetudines rationabiles Ecclesiæ, idemque tempus, quod Precistæ datum ad acceptandum sibi datum noverit ad exequendum, Chockier, pag. 52. III. Si sit datus simul ad providendum, uti ex §. præcedente datus censetur, si vacatio Beneficii in mense papali contigerit, Precistam intra præfixum mensis Spatum Beneficio vacante provideat. IV. Si verò vacatio facta in mense Ordinarii, monitorias I. ad eum dirigat literas, vi quarum ad conferendum mediis adhuc pacificis inducatur. II. Si monita nihil evincant, potestate est utendum majori: minitando vel pœnas juxta Diplomata Precum Cæfarearum infligendas, vel minitando Censuras Ecclesiasticas. III. Si hæc minæ incassum fuerint evibratæ, tandem ad actualem pœnarum irrogationem procedat. Hic tamen vel maxima discretione opus; non enim statim Censura Ecclesiastica emittenda, non statim Excommunicationibus fulminandum, ne scilicet tale pœnarum genus forte magis evilescat, sed priùs experiatur Executor, an non id efficiat pœnis temporalibus in Indultis Cæfareis vulgo expressis, obstinaces scilicet Privilegiis omnibus Cæfareis unquam concessis ipso facto privatos exutosque declarando, redditus illorum constringendo &c. His verò & nequicquam inflicitis tandem ad pœnas Ecclesiasticas, ceu ultimum coercendi remedium; ritè consugiet. Verum ed nunquam, aut rarissime deveniri solet: nam dum Collator Precistæ resistit, facile ab unâ, vel alterâ parte ad Judicem provocatur, ubi Executores se se lite desuper ortâ, & adhuc pendente ipsi controversiae ingerere non debent, utpote quibus non Judicis officium, sed Executoris demandatum est. Si itaque liti finis impositus in favorem Precistæ fuerit, tum vel prævio judicis mandato, vel saltem victoris Precistæ requisitione facta Preces, & Sententiam executioni dare poterunt. Si verò in causa Ecclesia, vel Collator vicerit, tum enim verò Officium illorum quiescat, ac suspensum erit, donec aliud Beneficium Precibus obnoxium in eadem Ecclesia vacaverit. Hæc circa Personas Executorum, aut Subexecutorum versantur, videntur nunc, quomodo eorum Officium exspiret.

§. 6. Et variis quidem id fieri solet modis, I. per mortem eorum,

mortuus enim exequi amplius non potest. Sed dices : quis ergo tunc exequetur ? R^e. attendendum erit , an executio (idem de subexecutione) sit commissa sub nomine Dignitatis , tunc enim quia Dignitas non moritur C. si gratiosa de Rescript. in 6. , is , qui ad eandem subrogabitur Dignitatem , exequi poterit , C. quoniam de Offic. Delegati. Sin vero in casu executio commissa fuisset non sub nomine Dignitatis , sed sub nomine proprio , recurrendum erit ad primum Committentem , nempe Imperatorem , qui facile novum constituet Executorem , imo si nec is amplius foret in vivis , id faciet illius Successor ; ut id satis patet ex iis , quae supra Cap. II. §. 6. dixi. II. cessat Officium Executorum , aut Subexecutorum per revocationem Cæsaris , quamvis id non soleat fieri. III. Per obitum Precistæ , antequam Beneficium impetraverit , non tamen per mortem Cæsaris Preces concedentis , Jus namque Precistæ , ex supra dictis , per hanc non desinit , ergo nec desinit Officium Executoris. IV. Per omnes alios modos superius hinc inde adductos , quibus Jus Precistæ extinguitur , hoc enim facto nihil amplius Executoribus , quod agant , est reliqua.

Variis itidem modis officium illorum suspenditur , I. Si Precista Beneficium primò , vel secundò , aut ulterius vacans non acceptat. II. Si etiam aliquod vacans Beneficium acceptat , non autem officium executoriale requirat ; non enim proprio motu absque ullâ Precistæ requisitione munieris sibi demandati partes adimprece tenentur. III. Si etiam Executores requirat , sed Preces suas anteà vel legitimè non insinuavit Collatori ordinario , vel tempore ad acceptandum præfixo Beneficium vacans non acceptavit. IV. Suspenditur Executorum officium ex §. præced. si lis Ecclesiam , aut Collatorem Beneficii inter , & Precistam oratur ; haecque durabit suspensio vel donec lis in favorem Precistæ fuerit decisa , vel dum aliud , quod Precista optare poterit , in eadem Ecclesia Beneficium vacaverit.

CAPUT V.

Quid de Primariis Precibus statuendum in Antiquissima Universitate Coloniensi quoad Præbendas primæ , secundæ , ac tertiaræ Gratiæ ?

§. I. Verum Juris Primiarum Precium Cæsari competentis Statum ex Genuinæ Historiæ monumentis , actisque publicis , nec non ex legibus Imperii pragmaticis , ac Sacris Canonibus hucusque examinatis ad Universitatis Ubiæ Jura (turpis enim vero ignorantiae signum foret , Jura præterire domestica) tandem delabor . Ubi ut melior eveniat

niat Præbendarum prædictarum notitia, Juraque idcirca Statuta clarissima elucescant, Ipsiis Universitatis Origo paucis erit prænotandas. Cœpta est hæc Fundatio Universitatis Generalis Studii Colonensis per Urbanum VI. Anno 1388. requirentibus id, & promoventibus Civitatis hujus Magistratis, qui (cum tam in exstructis Gymnasiis, Scholisque publicis, quam in aliquo Professoribus Facultatum Juridicæ, ac Medicæ Sæcularibus pauxillo licet Salario sat multum insumpserint) vires pro angustis illis temporibus non habebant, ut Professoribus Clericis in magna sat copia ad erigendum studium generale requisitis condigna constituerent honoria, indè eodem adhuc ante assignato Sæculo, Anno tamen 1394. Bonifacius IX. Undecim Canonicatus & totidem Præbendas, unum & unam in Aede Metropolitana, cæteros, & cæteras in qualibet Ecclesia Collegiata Professoribus hisce (ut melius studium effloresceret) assignavit, & non assignavit solum, sed & perpetuū Universitati *incorporavit*. Atque hæc utpotè ex primo Indulto Apostolico concessæ appellantur *Præbenda pri-*
mæ gratiæ.

§. 2. Tantumque effloruit etiam in primo nativitatis suæ limine studium hoc generale, ut modò Anno 1416. ad Constantiense, & 1432. ad Basiliense Concilium Doctissimi quidam ex Professoribus Colonensibus missi fuerint. Præterea Joannes IV. Brabantiae Dux impetrato Anno 1426. à Martino V. erigendi ad Exemplar Colonensis Universitatem Lovaniensem Privilegio, illuc Professorum Colonensium nonnullos requisivit, ut Studii Generalis fundamenta quoque ibidem ponerent. Nec multum post eodem modo cæptum fuit per Professores Colonenses Studium generale Trevirensse. Quantus honos? si Antiquissima hæc Universitas Colonensis ulterius pergeret formare Viros pro ponendo lapide angulari aliarum Universitatum idoneos. Meritis hisce laude dignissimis consideratis Eugenius IV. Anno 1437. ad ampliorem Studii Generalis Colonensis promotionem de novo undecim Præbendas ad totidem Professorum sustentationem Universitati assignavit; hæque secundo loco ex benignitate Summorum Pontificum assignatæ *Præbenda secundæ gratiæ* sunt dictæ. Et hæc omnia non scientibus tantum, verùm etiam consentientibus Augustissimis Imperatoribus facta fuere. Adhæc Fridericus III. Anno 1442. perpetuum Exemptionis Privilegium concessit omnibus in hæc Universitate Studiis operam navantibus. 2dō In literis ad Universitatem Anno 1464. directis in eo: quod Universitati ob insignia merita prædictæ Præbenda ad Professorum sustentationem fuerint assignatæ, omnimodam suam declaravit consensionem, quodque 3tō notatu dignissimum, Idem Imperator in Epistola à Sixto IV. Anno 1474. expetiit, ut Octo Præbenda Sacerdotales Metropoliticæ Colonenses non nisi graduatis conferrentur Personis; ubi in Narrativa ad Pontificem expositum fuit: hanc suam expostulationem non nisi de Jex dictæ Summæ Ecclesiae Præbendis

bendis Sacerdotalibus intelligi debere, cum *duæ*, uti & in cæteris Collegiatis, Universitati existerent *Reservatæ*, desuper ad sequentia Narrativa formalia provocando, ibi *DUO Canonicatus ex OCTO* pro graduatis in Universitate generalis Studii Colonensis NB. *reservati existunt.*

§. 3. Cum verò Professores undecim Præbendas *primæ gratiæ* habentes Cathedras professorales in Facultatibus Theologica, & Juridica explorere vix poterant: Professoribus in Facultate Artium *duæ* illarum suffummodo fuerunt assignatae, ideoque cæteri Artium Professores nec ullum habebant salarium, nec spem pro laboribus indesinenter impendiis ullam extrâ prædictas duas Præbendas consequendi Promotionem, quod considerans Paulus IV. Summus Pontifex, simulque plurimum interesse ratus, Facultatem Artium (cæterarum omnium Seminarium) indefessis instructam esse Professoribus, ex alternativa mensium ipsi competentium Universitati tres, Martium scilicet, Julium & Novembrem per Indultum temporale de quarto Calend. Martii 1558. eo concessit fine, ut Præbendis mensibus his vacaturis Professores actu docentes providerentur, Cathedræque professorales, Professorumque promotiones magis ampliarentur. Atque hæ tertio quippe loco Universitati munificè elargitæ sunt nominatæ *Præbenda tertia Gratia*. His prælibatis sequentes statu conclusiones, I. Quod Summi non tantum Pontifices, verum etiam Augustissimi Imperatores ipsi à *Præbendis Primæ Gratiae* Universitati Coloniensi incorporatis Precistas pro perpetuo voluerint exclusos, prout in terminis efficacissimis statuit *Bulla Alexandri VI. de 20 Novembris 1492.* & satis apertè monstravit Fridericus III. in locis superius citatis, vel maximè autem Carolus V. in sua pro generali Studio Coloniensi verè Aurea Constitutione 4to nonas Julii 1549. firmavit, dum ex Mandato hujus Augustissimi Imperatoris Adolphus III. Archi-Episcopus Coloniensis in suis *Statutis Synodalibus* pag. 430., & 431., ibique §. de *instaurandis Lectionibus* Mandato Augustissimi mox fati Imperatoris hortatus est Universitatem Coloniensem, ut Canonici de his Præbendis provisi cessante legali impedimento ipsi Lectionibus iis incumbentibus satisfaciant. II. Quod Professores actu docentes quatuor jam ferè Sæculis prædictas Præbendas obtinuerint exclusisque Precistis quiete pacificeque possederint. III. Quod interea temporis Preces Cæsareæ ad Universitatem Coloniensem nec unquam directæ fuerint, nec sine læsione prætectorum tam Pontificiorum, quam Cæsareorum Privilegiorum dirigi unquam potuerint, nec sufficit, ad Capitula directas esse Preces, hæc enim directio non ligabat Universitatem ex speciali utpotè *Titulo & Gratia* venientem, ut id insinuant *Hermes Cap. 11. Qu. 35.*, *Leuren. Qu. 607. N. 6.*, *Chockier pag. 44.* IV. His consequenter Præcistæ Cæsarei tempore 400 annorum Præbendas professorales *primæ gratiæ* nunquam optavere. V. Easque nec optare valebant cum

cum nec *inveterata Consuetudo*, Precium tamen Cæsarearum principale fundamen^{tum}, quoad *Præbendas primæ gratiæ unquam adfuerat*, nec perennis præmemoratis Augustissimorum Imperatorum expressionibus adesse poterat. VI. Jura hæc Universitatis, ut Precistæ à Præbendis primæ gratiæ in perpetuum forent exclusi, in S. Concilio Trid. (cui Professores Colonenses Everhardus Billicus, Theologæ, & ad Cardinalitiam post nominatus Dignitatem, Joannes Gropperus, Juris, Doctores, Viri Cellerimi aderant) irrevocabiliter confirmata fuerunt, idque in *Cap. 1. Seff. 5. de reform.*, ubi expressè statuitur: ut Præbendæ professorales modò antè dictum Concilium pro Professoribus actu docentibus destinatae in posterum quoque pro Salario Professorum maneant immutabiliter destinatae; ita tamen, ut Professores NB. per se ipsos Doctionem Præbendis hisce professoralibus annexam implere debeant. Cumque jam antè in Concordatis Germaniae firmissimè conclusum, ut id omne (quod in futuro Concilio ad favorem Inclytæ Nationis Germanicæ ordinatum foret) observaretur. Hæc utpotè in Tridentino certò in favorem nostræ Nationis (cum in promotione Studiorum plurimùm intersit) ordinata manebunt observanda; quod vel indè maximè corroboratur. VII. Cum Augustissimi Imperatores Carolus V., & Ferdinandus dictum Concilium Tridentinum Ipsiⁿet sedulè promoverint, illiusque disposita sive exceptione suscepérint, perque Legatos suos voluerint subscribi, inter alia etiam necessariò consenserunt in eo, ut Præbendæ professorales antè Tridentinum erectæ antiquam suam, primitusque impressam retinerent naturam, neminique alii, nisi Professoribus actu docentibus concederentur, illisque in propria persona id facere incumbere. VIII. Insuper præfati Augustissimi Imperatores in *Recessibus Imperii Spyrae*, & Augustæ Vindelicorum celebratis sèpè sibi præcepere, ut id omne, quod in S. Tridentino Concilio tūm pro parte modò erat ordinatum, tūm imposterūm esset ordinandum, strictissimè observaretur, desuper ad *Recessus Imperii Spyrae de Anno 1542. §. 128.*, & Augustæ Vindelicorum de Anno 1548. §. 16., & ibi de Anno 1551. §§. 3., 4. 6. & 8. provocando. IX. Idē Imperatores Carolus V., & Ferdinandus non tantum *Promotores*, & *Protectores* Sacri hujus Oecumenici Concilii à Patribus ejusdem appellantur, verūm etiam in *Bulla sua de Anno 1563. confirmatoria* Sixtus IV. hoc Encomium Ferdinando adscribit: *Quod Ipse adjutus pio Studio Charissimi in Christo Filii Ferdinandi Imperoris Sacrum Concilium ad optatum finem deduxerit.* X. Quām facile denique contingere posset: quod Universitas se ferè omnibus undecim Præbendis primæ gratiæ videret orbatam, si Precistis ad eas pateret aditus; cum enim ad has Præbendas plerumque denominentur Viri Professores non in florida, sed in seniori jam aetate constituti, quiq[ue] vires suas continuis laboribus ferè exhauserant, facile evenire posset, ut hi

primi ex Canonicis predictorum undecim Capitulorum è vivis excederent, sicutque Precistæ illas optarent, licet inhabiles, nec qualitatibus requisitis instructi, idque apertè contrâ Pacem Westph. Cap. 5. §. 18. in verbis = ad Normam Statutorum, & Observantia idoneus Cæsareis Precibus fruatur = Imò dices : Precistam semel poni omnibus his qualitatibus ornatum, an non igitur potior erit alio Professore? R.: manet tamen Universitati libera facultas alium denominandi tūm ex rationibus præcitatatis, tūm ex ejusdem Pacis Westphal. cit. loco, in formalibus = Quod ubi Sacra Cæsarea Majestas Jus Primariarum Precum exercuit hactenùs, ibi & exerceat in posterum = consequenter ubi illud Jus non exercuit hactenùs, ibi quoque istud nec posthac exercere possit. Cum ergò S. Cæsarea Majestas Jus illud Primariarum Precum in Præbendis Primæ Gratiæ nec hucusque exercuit, idè nec posthac illud exercere poterit.

§. 5. Praenumerata hæc rationum momenta tanti apud Augustissimum Consilium Imperiale Aulicum fuerunt ponderis, ut, licet Precistæ Cæsarei de Buschman, & Brøel præsenti adhuc Sæculo optässent Præbendas professorales primæ gratiæ ad S. Ursulam, & ad S. Cæciliam, nominatosque ad easdem ab Universitate Professores D.D. Stiertz, & van Meer via Facti exclusissent, eumque in finem Die 11ma Octobris 1760. Mandata Cæsarea summè pœnalia adversus dictos Professores obtinuerint, attamen prævia exactissima causæ cognitione ista Mandata per mox factum Consilium Imperiale Aulicum non modò ab effectu suspensa, sed & tam præexpressæ, quām reliquæ Præbendæ primæ gratiæ Universitati pro perpetuo cum exclusione Precistarum adjudicatae, insuperque Precistæ condemnati fuerunt ad restituendos Professoribus præbendales fructus eisdem sine Jure, & titulo præreptos, dumque lis ista Precistas inter & Professores, atque Universitatem Colonensem sat animosa fuit, & strepitosa, variaque continent Puncta pro Precibus Cæsareis notatu digna, operæ pretium erit, & prætacta Mandata pœnalia per Precistas sub initium litis contrâ Professores præfatos, & Universitatem ex Consilio Imperiali Aulico obtenta, & quoque Sententias successivè latas, atque in judicatum prolapsas, ac horum Mandatorum revocatorias, nec non Precistis deoccupationem Præbendarum primæ gratiæ cum fructibus serio demandantes hic juxta Ordinem describere.

§. 6. Et quidem *Mandatum* contrâ Professorem Stiertz latum sequentis est tenoris = Ex Mandato Majestatis Romano-Cæsareæ Francisci &c. Domini nostri Gratosissimi Francisco Martino Stiertz Ss. Theologiae Licentiatu, & Professori Gymnasii Laurentiani Coloniae per præsentes notificetur: qualiter coram Altissimè fata sua Majestate Cæsarea Petrus Josephus Buschman humillimè remonstrando exposuerit: quod, cum in vim Diplomatici Primariarum Precum ab Augustissimo Imperatore Carolo VII.

piissimæ mem. quoad Ecclesiam Collegiatam ad S. Ursulam Coloniæ sub
annum 1742. obtenti Præbendam ibidem ex obitu Canonici Martini Raths
Anno præterito subsecuto vacante debite optaverit, ipse quoque per
Capitulum ibidem indilatè in fructiferam possessionem dictæ Præbendæ
immissus fuerit, dictus verò Licentiatus Stiertz interea præsumperit,
vigore Nominationis ab Universitate Coloniensi quoad eandem Præben-
dæm obtentæ suum recursum ratione ejusdem Canonicatus per Petrum
Josephum Buschmann vi Precum Imperialium optati Romanum querulanter
sumere, ibique contrà eundem Citationem adeundi Signaturam obtine-
re; nec non ulterius mediante istius Citationis insinuatione Capitulo facta
impetrare, quatenus in possessionem controversæ Præbendæ pariter im-
missus fuerit. Quernadmodum autem sua Majestas Cæsarea nullatenus per-
mittere potest, quod isthac controversia in præjudicium Supremi Reser-
vati Cæsarei coram Summo Pontifice decidatur, sed ejusdem cognitio
foli Cæsareæ Majestati competat, ita summe fata Majestas Cæsarea Fran-
cisco Martino hujusmodi recursum indebet sumptum cum indignatione
Cæsarea hiscè exprobratum, eidēque quā severissimè demandatum esse
vult: quatenus ab eodem unā cum reparatione damni, & expensarum
per hunc Precistæ Cæsareo causati, & causatarum indilatè desilitat, nec
non à possessione in vim obtentæ Citationis impetratae recedat, minus
fæpedictum Precistam Cæsareum in sua possessione ulterius turbet. ac de-
inde qualiter ipse Stiertz supremæ huic Cæsareæ Ordinationi humillimè
paruerit, infra terminum duorum mensum à notificatione præsentium
lā certò obedientissimè doceat, quò certius in eventum sua Majestas Cæsarea
contra eundem mediantibus severioribus Ordinationibus juxtæ præscrip-
tum Constitutionum Imperialium sine mora procedet. Nihilominus eidem
Stiertz liberum relinquitur, quatenus sua gravamina, quæ contrà Optio-
nem Precistæ se forsū habere putat, si præviè huic supremæ Ordinationi
Cæsareæ decenter paruerit, coram sua Majestate Cæsarea obedientissimè
exponere, desuperque justissimas ejusdem Ordinationes Cæsareas expes-
tere. Signatum Viennæ sub impressione Secreti suæ Majestatis Cæsarea
Sigilli 11ma Octobris 1760.

COLLOREDO

(L:S:
Cæf.)

Matth. Wilh. de Haan mpp.

§. 7 Mandatum contrà D. Professorem van Meer eodem die, men-
se, & Anno latum ejusdem est tenoris, ideoque ejus descriptio hic omit-
titur. Id tamen hic tangi meretur, Mandatorum horum contenta sat evi-
denter evincere: & quod Augustissimus Imperator Professoribus contrà
Precistas Romanos super his Præbendis prime gratiæ recurrentibus hunc
eorum recursum summa cum indignatione exprobraverit, & quod Idem
Augustissimus Imperator unā simul in iisdem Mandatis clementissimè de-
claraverit: se solum & unum in causa Reservati Imperialis Primariarum

Brecam esse Judicem competentem. Et quod Professores non tantum debuerint ex possessione cœpta exire, sed præterea de desistentia à recursu romano docere, antequam in Consilio Imperiali Aulico ad audienciam fuerint admitti. Et hinc licet olim hic & nunc Cause Precum Cæsarearum in Curia Romana fuerint decisæ, attamen impræfens recursus iste romanus ab Imperatoribus permitti non solet, prout desuper recens dominus adebat præjudicium hic Coloniæ in Collegiata & Archi Diaconali Ecclesia ad S. Cuilibertum ratione litis super Canonicatu per Precistam Cæsareum ibidem optato coram Consilio Imperiali Aulico pendentis.

§. 8. Inter Sententias favore Universitatis contrà Precistas per Consilium Imperiale Aulicum pronuntiatas prima sequentis est tenoris :

Jovis 4ta Julii 1765.
de Buschman contrà Stiertz, prout quoque Rectorem & Provisores Universitatis Coloniæ puncto Primariarum Precum.

Publicatur Resolutio Cæsarea.

Sua Majestas Cæsarea obedientissimi sui Consilii Imperialis Aulici Votum humillimum gratosissime approbavit ; vi cuius

1mo Communicentur Exceptiones à Parte impetrata contrà Decretum Cæsareum de 11ma Octobris 1760. sub præsentato 17. Octobris 1761. exhibitæ Parti impetranti ad notitiam.

2dō Quoad recursum super Præbenda vigore Precum Primariarum optata ad Curiam romanam ex parte Martini Stiertz sumptum rejectis Exceptionibus in contrarium obmotis Decretum Cæsareum sub 11ma Octobris 1760, emanatum immutabiliter manet vigorosum.

3rdō Precistæ Cæsareo de Buschman cum revocatione Mandati Cæsarei quoad hunc passum lati, & cum rejectione motivorum ex parte ipsius capropter adductorum hisce injungitur : quatenus à Præbenda per ipsum vi Precum Primariarum in Collegiata ad S. Ursulam Coloniæ optata ob defectum qualitatis professoris actu legentis eidem per Concessiones Cæsreas annexæ abstineat, nec non fructus & redditus ex eadem buc usque perceptos Impetrato restituat.

4thō Partibus hinc inde liberum relinquitur, quatenus causam in punto Impetractionum ex *Canone Execrabilis* ratione Præbendarum præhabitarum in Curia romana indecisam pendentem, prorsus & omnino separatam, ac planè Ecclesiasticam, proindeque huc non pertinentem, atque Relevatum Cæsareum Primariarum Precum nullatenus tangentem ibidem hinc inde terminent. Ad haec

5thō Precistæ Cæsareo de Buschman summâ cum indignatione exprebratur: quod cum eadem in præjudicium Jurisdictionis Cæsareæ præsentem, Relevatum Primariarum Precum concernentem causam commiscere, desuperque coram Tribunalibus romanis illegalem decisionem promovere ausus fuerit, hoc seriò cum mandato: quatenus sub irremissibili severiore pena Cæsarea non tantum indilatè ab illico hujusmodi recursu desistat, sed

sed quoque super renunciatione recursus ad Tribunalia romana quoad hunc punctum sumpti realiter facta mediante legali testimonio infra terminum duorum mensium doceat.

6^{to} Hæcque omnia notificantur tam Precistæ Cæsareo de Buschian, quam Martino Stiertz per Decreta.

7^{mo} Cum horum notificatione fiat quoque Decretum ad Capitulum Collegiatæ Ecclesiæ ad S. Ursulam Coloniæ hoc addito: quatenus Idem Precistam Cæsareum de Buschian in ym Supremi Mandati Cæfarei in possessionem fructiferam Præbendæ primæ gratiæ immisum ex eadem extinguit, &, qualiter idipsum fuerit effectuatum, in termino duorum mensium huic illimè remonstret.

8^{vo} Cum parii notificatione rescribatur Universitati Coloniæ: quater eadem ex latis Decretis Cæfareis perspectura sit, quod sua Majestas Cæsarea ad remonstrationes tam ex parte dictæ Universitatis, quam ex parte Impetrati Professoris Martini Stiertz exhibitas hanc controvrsiam causam præbendalem decidere gratiosissimè dignata fuerit; quibus altissimè fata sua Majestas Cæsarea, prætereundo cætera omnia huc non spectantia ulteriora petita hanc causam simpliciter terminata esse vellet.

Matth. Wilh. de Haan.

(L.S.)
(Caef.)

§. 9. Sententia adversus Precistam Broel eadēm 4^{ta} Julii 1765. publicata ferè per totum ejusdem est tenoris... Ex §§. 1 & 2. harum sententiārum palam est: quod (licet Professores in Consilio Imperiali Aulico varias adduxissent rationes, quare recursum suum in hac Precum causa suimp̄sissent Romam. quodque ipsi usque adeò Precistæ ibidem comparuissent, & novam Provisionem Apostolicam super Præbendas vi Precum Cæsarearum optatis impetrassent) tamen Sacra Cæsarea Majestas rejectis his exceptionibus firmissimè inhaeserit mandato de defistendo à recursu Romano die 11ma Octobris 1760 lato... Quantū verò spectat ad contenta reliqua istius Mandati punto deoccupandi Præbendas primæ gratiæ contrà Professores lati, illud idem Mandatum per §. 3. hujus Sententiae specialiter revocatur, unaque simul Precistis injungitur, ut à Præbendas professoralibus, vi Precum optatis, abstineant, nec non fructus exinde perceptos Professoribus restituant; præsertim, quia Præbendæ primæ gratiæ Universitati pro Professoribus actu legentibus essent annexæ. Ulterius ex §§ 4. & 5. Iffius Sententiae contra D. de Buschian latæ omnino notandum venit, quod (dum varii Impetratores Præbendas per fatum D. antè occupatam Præbendam professoralem Ursulanam præhabitas eā de causa à Sammo Pontifice impetrassent, quia sustinebant: illum non esse munatum legitima dispensatione super Præbendarum incompatibilitate, desu perque lis Romæ hinc inde fuisse contestata, unaque cum ista lite

D. de Buschman commisus est controversiam in Consilio Imperiali Aulico pendentem, inauditaque Universitate Coloniensi sua Jura in Consilio Imperiali Aulico tuente, & nullum nec directum, nec indirectum interesse in causa Impetractionum sumente Rotalem sub- & ob- tipuisset Decisionem (quasi Indulta Apostolica hanc Universitati quoad Præbendas primæ gratiæ concessa non amplius essent in usu) Sacra Cæsarea Majestas quidem Imperatoribus, & Dno de Buschman uberum reliquerit, quatenus causam Impetractionum ex Canone Execrabilis puncto Præbendarum præhabitarum in Curia romana pendentem, ut potè prorsus separatam, ac plane Ecclesiasticam, nec Reservatum Cæsareum Primariarum Precum ullatenus tangentem in Curia Romana prosequi, & terminare possent; ast una simul Dno Precistæ Cæsareo de Buschman summâ cum indignatione exprobraverit: quod is in præjudicium Jurisdictionis Cæsareæ controversiam, Reservatum Primariarum Precum concernentem cum causa Impetractionum commiscere, desuperque coram Tribunalibus romaniis illegalem Decisionem promovere ausus fuerit: hoc serio cum mandato, prout latius in Sententia prærelata continetur, ut indilatè ab illicito ejusmodi recurso romano desisteret, eidemque & renunciaret, & de renunciatione hac infra terminum duorum mensium legaliter doceret.... Hic terminus pariter præfigitur in §. 7. Sententiæ Illustri Capitulo S. Ursulae ad effectum exmittendi Dnum de Buschman ex Præbenda professori, desuperque coram Sacra Cæsareæ Majestate docendi.. Et licet in §. finali hujus Resolutionis Cæsareæ prætereantur ea, quæ ulterius ex parte Universitatis quoad reliquas Præbendas, præcipue quoad illas Tertiæ Gratiæ fuerant proposita, attamen per hoc nequaquam excluduntur Jura Universitati quoad istas Præbendas adversus Precistas Cæsareos competentia, verum idè quoad has Præbendas est facta præteritio, quia desuper lis non erat contestata, sed ista litis contestatio ad Præbendas primæ gratiæ per Precistas Cæsareos limitata fuerat, eò quod ipsi has, & non Præbendas tertiae gratiæ optasse.

§. 10. Non acquiescentes justissimis hisce Sententiis Precistæ Cæsarei arripuerunt anchoram remedii restitutionis in integrum, non enim aderat Judex superior, ad quem appellare poterant. Aut istud remedium optato pariter caruit effectu, eò quod nova, quæ pro obtainenda restitutione in integrum adducta fuerunt, nequaquam iusti inventa fuere ponderis, & hinc prodierunt cum exactissima cause cognitione sequentes Sententiæ priorum sententiarum confirmatoriæ.

Mercurii 28^{va} Maii 1766.

De Buschman contra Stiertz, prout etiam Reftorem & Provisores Universitatis Coloniæ puncto Primariarum Precum, nunc restitutionis in integrum, sive Implorantis Mandatarius de Bissing sub Præsentato 8^{va} Aprilis nup. exhibet humiliinum Libellum restitutorum cum petitio, pro cle-

men-

mentissimā restitutio[n]e in integrum adversis Resolutionem Cæsaream de
4ta Julii anni præt. cum Adjunctis sub N. 1. usque 35. cum ultimo Con-
cluso in triplo.

Idem sub Præsentato 29na Aprilis nup. exhibendo ad libellum restitu-
torum adhuc sub N. 28. spectans Adjunctum , supplicat humillimè pro
clementissima restitutio[n]e in integrum retropetita, & Adjuncto sub N. 28.,
& ultimo Concluso in triplo.

Econtrà Impetrati Mandatarius de Klerff sub Præsentato 8va Aprilis
nuperi accusando lapsus termini supplicat humillimè pro clementissime
nunc comminato modo procedendo , cum ultimo Concluso.

1mō Petita restitutio in integrum ob defectum novorum relevantium
denegatur.

2dō Detur de Buschman ex officio terminus duorum mensium in finem,
ut juxta præscriptum Decreti Cæsarei de 4ta Julii anni præteriti , ejus-
demque membra tertii, & quarti tñm Impetrato perceptos hujus Præ-
bendæ fructus, & redditus restituat , quām quoque ut remonstrationem
justificatoribus munitam super exhibita corām judiciis romanis renun-
ciatione præsentis Causæ cum Supremo Reservato Cæsareo connexæ. ac
cum processu ex Canone Execrabilis moto incompetenter permixtæ cum
comminatione arresti quoad universa sua temporalia producat.

3tō Rescribatur Rectori , & Provisoribus Universitatis Coloniae : suam
Majestatem Cæsaream ex quibusdam ab Impetrante libello suo restituto-
rio appositis , ac ex Annalibus Universitatis defumptis Adjunctis intel-
lexisse : qualiter in Sæculo præterito diversis vicibus Præbendæ primæ
gratia Universitati ad promovendas Scientias assignata contra clarum te-
norem Bullarum Apostolicarum , nec non Confirmationum Cæsarearum
desuper gratosissimè concessarum verosimiliter ad favorem Provisorum
Universitatis tunc existentium, vel ex aliis finistris intentionibus , adju-
vante, vel saltem illicitum in modum connivente Universitate , aliis ,
quām Professoribus actu docentibus fuerint collatæ . Ad hæc altissimè fa-
tam suam Majestatem Cæsaream ex his ulteriùs perspectum habuisse ,
qualiter in præteritis saltem temporibus aliqui horum Professorum , quam-
priū illis ejusmodi Præbenda fuerit collata, se te Doctioni eisdem in-
cumbenti omnino[m] subtraxissent , & Professoram eð usque observatam
deseruerint.

Ex quo autem Suæ Majestatis Cæsareae TAM QUA SUPREMI STUDIORUM
PER GERMANIAM PROTECTORIS, QUAM INTUITU ALTISSIMARUM CONFIRMA-
TIONUM CÆSAREARUM VEL MAXIME INTERESSET, Eademque Majestas Cæ-
sarea ad id reflecti vellet, ut hæ Præbenda primæ gratia nullis. nisi juxta
præscriptum confirmatarum Bullarum Apostolicarum qualificatis Professori-
bus actu docentibus conferrentur.

Eapropter Sua Majestas Cæsarea Rectori , & Provisoribus Universitatis
gra-

gratiosissimè mandaret: quatenus ista Præbenda in futurum juxta tenorem Bullarum Apostolicarum, desuperque obtentarum Confirmationum Cæfarcarum nullis, sub quoconque demum prætextu esse possit, quam Professoribus actu docentibus, ac legentibus concederentur; nec mindus contraventio, si qua præter exspectationem suo tempore desuper forsitan eveniret, altissime fati Sua Majestati Cæfareæ pro ejusmodi abusuum, ac finistrarum intentionum cassatione ab uno altero exponi, insimulque ad id attendi deberet, ut illi, qui hujusmodi Præbendas obtinuerint, Doctionem, & Lectionem iisdem incumbentem, quoisque corporis vires eisdem hoc onus subire permiserint, suæ obligationi conformiter supportarent.

Matth. Wilh. de Haan *mppria.*

§. II. Supersedeo adducere tenorem Sententia confirmatoria contra Precistam Broel cædem die 28. Maii 1766. latæ, quia quoad passus huc facientes per omnia concordat cum Sententia præserta. Lubet jam videre, quid speciali notâ dignum veniat ex mox allata sententiâ in judicatum prolapsa, & contra D. de Buschman publicatâ. Et statim in oculos incurrit, quod quemadmodum ex primo confirmatoria hujus sententiæ contra D. de Buschman latæ membro eidem quâ Precista Cæsareo de negetur in integrum restitutio, eò quod nova hunc in finem adducta sint reperta minus habentia; sic in 2do istius membro iterum serio eidem præcipiatur paritio sententiæ anterioris tam quoad restituendos Professori fructas, quam quoad docendum de renunciatione liti romanæ factâ, idque sub comminatione arresti quoad temporalia Precista competencia. Unde insertur, quod Augustissimi Imperatores pro medio ad compellendum Clericos, parere mandatis Cæsareis renitentes, opportuno adhibeant Temporalium ad illos spectantium sequestrationem. Quisquis deinde §. 3. istius Sententia paulò attenius inspicerit, is sanè vel fugitivo etiam oculo deprehendet, hunc Sphum esse notatum dignissimum, vult namque Sua Sacra Majestas Cæfarea, ut Bullæ Apostolicae quoad Præbendas *Prima gratia* ad favorem Universitatis concessæ, ac Authoritate Cæfarea roboratae in omniibus & per omnia inviolabiliter observentur. Vult & ut nulli alteri, quam Professori actu legenti, sit, sub quoconque prætextu velit, Præbendæ professorales *Prima gratia* conseruantur, & ut hic Professor actu legens tamen in dandis Lectionibus contumet, quoniam diu vires corporis id ipsum patientur. Vult per consequens Augustissimus Imperator, ut omnes illi, qui non sunt Professores actu docentes, à Præbendis professoralibus excludantur, utque actualiter docentes & Præbendam professoralem obtinentes pergant eò usque in actuali Doctione, quoisque vires corporis hoc onus subire eisdem permittant. Hæc Resolutio Cæfarea non indiget Interpretæ, quia est undique clara, & hinc in Thesi pro bono Universitatis, ac generalis Studii Colonensis erit, & ab ipsa Universitate *in nominando* Professores actu docentes ad Præbendas *primæ*

primæ gratiæ, & quoque ab ipsis Professoribus nominatis *in docendo sancte* ac *perpetuò observanda*. Et hoc toties, quoties justa non aedit causa, ob quam aliter procedatur. Ast quid si hujusmodi relevans causa sub-
eset, quid si quis pro præterito ante obtentam ullam Præbendam pro-
fessoralem jam tū per annos plurimos publicè aut in Gymnasiis, aut in
aliarum Facultatum Cathedris legisset, & aut ob vires attritas, aut aliam
legalem ob causam à legendō cessasset, an illi non posset provideri de
Præbenda dudum pro præmio laboris promeritā? profecto non possem
adduci ut credam, quod mens Summi Pontificis, atque Augustissimi Im-
peratoris unquam fuerit, hunc bene meritum Professorem à Præmio du-
dum debito excludendi, aut etiam illum Professorem, qui modò per 10.,
20., & plures annos in pulvere Scholastico canos sibi accersivit capil-
los, obligandi ad hoc, ut obtentā tandem pro honorario diurni adē
laboris Præbendā adhuc ultra in actuali Doctiōne debeat continuare,
præsertim si non urgeat necessitas, sed adsint Professores sat multi, qui
ejus vices facile supplent.

§. 12. Restat quoad Præbendas *Primæ gratiæ* adhuc illa, quæ con-
tra D. Precistam Broel, & ejus prætentum Resignatarium D. Herriger
puncto resignatæ nulliter Præbendæ *Primæ gratiæ* ad S. Cæciliam pro-
diit, Sententia. □

Mercurii 27. Novembris 1765.

Broel contrà Meer puncto Præbendæ, sive Impetrati Mandatarius de
Klerff sub Præsentato 22. Octobris nup. docendo factam insinuationem
Exceptionum supplicat humillimè pro clementissimè ordinanda positione
ad Acta cum Adjunctis sub Sig. J. O. & ultimo Concluso.

Idem sub Præsentato 31. Octobris nup. docet de facta insinuatione hu-
jatis Mandati procuratorii, & supplicat pro clementissimè decernenda Do-
cumenti positione ad Acta cum Adjuncto sub signo ☐ & ultimo Concluso.

Idein sub Præsentato 12. hujus, docendo factam insinuationem elemen-
tissimi Conclusi, nec non Decreti Cæsarei absque secuta partitione sup-
plicat humillimè pro clementissimè tam Capitulum ad S. Cæciliam, quam
Partem Impetrantem, ac loco illius, intrusum Herriger ad satisfacien-
dum Concluso, & Decreto Cæsareo per pœnalem ordinationem indilatè
adigendo, eumque in finem ipsis brevem terminum præfigendo, nee non
injungendo, ut intrà illum de præstita partitione humillimè doceant. Cum
Adjunctis sub N. 1. usque 11. inclusive, nec non ultimo Concluso.

Idem sub Præsentato 22. hujus exhibet humillinam remonstrationem,
& fundatam refutationem partitionis à Capitulo ad S. Cæciliam fieri vo-
litæ, cum petitio pro clementissimè rejeçta prætensa partitione, Capitulo
ad S. Cæciliam immisionem Partis impetratæ in Præbendam professorale-
m sub gravi pœna quantociùs demandando. Cum ultimo concluso in
duplo.

In eadem intervenientis Theodori Herriger de rato & mandato cavens Mandatarius de Middelburg sub Præsentato 21. hujus exhibet humillimam interventionalem remonstrationem ad clementissimam Resolutionem Cæfaream de 4. Julii anni curr. cum petito pro clementissimè deneganda manutenenientia ex parte Conradi Meersvan petendâ, & manutencendo Interventionem in possessione Canoniciatis & Præbenda Primæ gratia in sequam resignationis à Precista Brœl in favorem suum factæ, & à Sanctissimo Domino nostro Pontifice admissæ Capitulariter captâ, ac per annum & ultrâ continuatâ, cum Adjunctis sub N. 1. usque 18. inclus. ac ultimo Concluso in duplo.

In eadem Domina Abbatissa & Capitulares Perillustris Capituli ad S. Cæciliam Coloniæ sub dato 27. Septembris, & prius 14 Octobris nuper exhibita per eundem à Middelburg submississima Informatio loco obedientissimæ debitissimæque Partitionis ad clementissimum Decretum Cæfareum de 4. Julii a. c. cum Adjunctis sub N. 1. 2. & 3.

Imd Ponatur Edoctio insinuati Mandati procuratorii Partis impetratae ad Acta.

2dō Cum rejectione infundatæ Interventionis, nec non contentorum in eadem partim irrelevantiam, partim animadversione dignorum petitorum fiat Decretum contrâ Theodorum Herriger ad hoc, ut à Præbenda Primæ gratia in Collegiatæ Ecclesia ad S. Cæciliam per Resignationem Precista Cæsarei Brœl obtentâ abstineat, fructus & redditus à tempore captæ residentiæ Professori Conrado van Meer ab Universitatæ Coloniæ nominato restituat, eundemque in futura possessionis captione hujus Præbenda alias litigiosæ non amplius impedit, nec quoque præsumat, hanc, Altissimum Reservatum Cæsareum Primariarum Precum concernentem, causam ad Sedem Pontificiam trahere, quodque in contrarium eventum contrâ cundem mediantibus arctioribus Ordinationibus Cæsareis procedendum foret; prout & idem de submississimo, obedientissimóque Cæsareæ hujus Ordinationis implemento altissimè tate Majestati Cæsareæ humillimam partitionis suæ remonstrationem in termino duorum mensium exhibere deberet.

3tiō Cum hujus notificatione fiat Decretum ad Abbatissam & Capitulum Collegiatæ Ecclesiæ ad S. Cæciliam Coloniæ hoc addito: Quod Theodorum Herriger per factam resignationem Precista Cæsarei Brœl in possessionem Præbenda in hac Collegiatæ Ecclesia intrusum ex eisdem exmittere, ac loco ilius Conrado van Meer realem possessionem impertiri, nec non qualiter hac effectuata fuerint, coram S. Cæsarea Majestate in termino duorum mensium humillimè remonstrare debeat.

Matth. Wilh. de Haan mppria.

§. 13. 2dum hujus Sententia membrum probat: quod Precista Brœlite pendente attentaverit, Præbendam professoralem Primæ gratia ad S. Cæciliam favore Dni Herriger autoritate Apostolica quidem resignare;

Ait

Ast quia subticuerat : hanc Præbendam juxta expressum Indulti Apostoli tenorem non esse resiguabilem , quia pariter subticuerat : jamtum ⁴²² Julii 1765. latam fuisse ab Augustissimo Imperatore Sententiam , virtute cuius hæc Præbenda fuerat declarata Universitati Colonensi pro Professori actu docente inseparabiliter perpetuè annexa, ideo Resignatario isti demandatur, ut ab ista Præbenda abstineat, fructusque ex eadem perceptos Professori van Meer restituat, euinque à capienda Præbendæ hujus possessione non impedit. His consequens est : quod quoad Præbendas professorales Primæ gratiæ nec Resignationes , nec Permutationes , nec gratiosæ Surrogationes in casu exortarum litium , & præmortuorum Colligantium possint habere locum , nam hi actus nec cum Indultis Apostolicis , nec etiam cum Concessionibus Cæfareis sunt compatibilis , benè attento , quod per eosdem annexio Præbendarum istarum Universitati facta , & per Rem judicatam Cæsaream canonizata suo frustraretur effectu , & Rector ac Provisores à nominatione subjecti qualificati excluderentur, sive Professores actu docentes in perpetuum arceri possent à Præbendis Primæ gratiæ , si non qualificati cum Professoribus qualificatis ex capite vel resignationis , vel permutationis , vel incompatibilitatis , aut alio ex Capite super hujusmodi Præbendis litigarent , & Professor qualificatus ante item finitam moreretur. Proinde nec inqualificati , nec etiam ii , qui forsitan possent nominari ad istas Præbendas Primæ gratiæ poterunt per actus præexpressos ad illas pervenire , ed quod nequidem Professor qualificatus tales Præbendas possit obtinere , nisi ad easdem juxta Indultum Apostolicum , & Rem judicatam Cæsaream fuerit legitimè nominatus.

§. 14. Notavi jam superius ex §. 5. Rei judicatae Cæsareæ de 4. Julii 1765. quod Dnus de Buschian contrà Universitatem Colonensem nec ciatam, nec in causa Impetractionum ullo modo interessatam, nihilominus ad sinistra narrata sub-ac ob-riperit in S. Rotâ præjudicialem quandam declarationem : quasi Indulta Apostolica dictæ Universitati quoad Præbendas Primæ gratiæ concessa non amplius essent in usu , quodque hunc Preceptæ recursum Romain super Præbenda Primæ gratiæ factum æquè ac declarationem ibidem obtentam Augustissimus Imperator cum indignatione rejecerit. Oportet nunc hic addere , quod quoque Ipsamet S. Rota de rei veritate melius informata quamprimum juxta laudabilem suum, morem à suâ præjudiciali Resolutione in solennissimâ formâ recesserit in Decisionibus Rotalibus quoad Clausulas concerentes hic subsequentibus.

R. P. D. CORNELIO.

Coloniensis Canonicii Ecclesiæ Cathedralis.

Lunæ 14. Januarii 1765.

CLAUSULA CONCERNENS.

Quamobrem quod libentius convenerunt DD. mei cum novissimâ meâ in hac causa Decisione , quæ consultiis abstinuit ab indagine qualitatis

controversi Canonicatis Collegiatæ Ecclesiæ S. Ursulæ, æquè ac ab Examini Indulitorum, quæ favere possunt Universitati Coloniæ, eò pressius in votis habuerunt, ut in hac à me impræsentiarum evulgandâ Decisione nedum omnes prædictæ intempestivæ declinarentur quætiones; Verum insuper expresse ac specificè dec'aretur: Sac. hoc nostrum Tribunal in hac causa nunquam voluisse, aut intellexisse quidquam contrà corundem Canonicatum qualitates, ac Universitatis Indulta, quæ farta, teataque esse iussit, definire. Cum solemne semper Eisdem fuerit, tè ab inutilibus questionibus, maximè vero Tertiis non citatis præjudicium aliquandò illaturis, perpetuò abstinere.

Et ita Partibus strenuè dimicantibus jus redditum fuit.

R. P. D. CORNELIO.

Coloniensis Canonicatus Ecclesiæ S. Gereonis,

Lunæ 14. Januarii 1765.

CLAUSULA CONCERNENS.

Denique cum in Decisione præcedentis Instantiæ super hoc eodem Canonicatu Sti Gereonis coram R. P. D. meo Ratta in disserimen vocatus fuerit usus & observantia Constitutionum Bonifacii IX., & Alexandri VI., qui cum aliis Antecessoribus, & Successoribus Pontificibus diversa concesserunt Indulta Universitati Coloniensi cum reservatione Canonicatum favore & erga Scientiarum inibi Professores & Magistros. Idecò ne ullum exinde irrogatum dici valeat Universitati, Professoribus, eorumque Indultis detrimentum, hic quoque expresse declaratum voluerunt: *Quod quidquid ibidem bac de re præter necessitatem enunciatum firmatumque fuit, haberi debeat, ac si dictum non fuissest, nec unquam de earundem Constitutionum usu & Observantiâ fuissest dubitatum;* cum alienum semper à sensu & mente sacri hujus Tribunalis fuerit, extraneas & alienas inopportune assumere quætiones, quæ Tertiis nec citatis, nec in causâ interessentibus quandoque præjudicium irrogare valent. Et ita utrâque &c.

§. 15. Habet itaque Universitas Generalis Studii Coloniensis & Res judicatas Cæfareas, vigore quarum Præbenda Primæ gratiæ eidem Universitati declarantur & annexæ, & nulli alteri, quam Professori actu legendi debitæ; habet eadem Universitas super his eisdem Primæ gratiæ Præbendis solennissimas Sacrae Rotæ romanæ Declarationes, juxta quas & Canonicatum primæ gratiæ qualitates, & Universitatis Indulta tam Bonifacii IX., quam Alexandri VI., aliorumque & Antecessorum, & Successorum Summorum Pontificum jubentur esse farta, teataque. Nec in hoc subsistit sacra Rota, sed & una simul expresse adjecit: quod quidquid in anterioribus Decisionibus hac de re in contrarium enuntiatum firmatumque fuissest, haberi debeat, ac si dictum non fuissest, nec unquam de earundem Constitutionum Apostolicarum pro Universitate stantium usu, & observantia fuissest dubitatum.... Hæc superlativè sustineo sufficere, ad Præbendas Primæ gratiæ & à Precibus Cæfareis, & ab Exspectativis Aposto-

Apostolicis, & à Resignationibus ac Permutationibus, pariterque à Surrogationibus gratosis ex Regulâ Collitigantium, aliisque viis Universitati, ac Professoribus actu docentibus nocivis, perpetuamque harum Præbendarum incorporationem, debitamque Rectori ac Provisoribus ad illas Nominationem subvertentibus vindicandas.

§. 16. Nec à me impetrare possum, ut quoad PRÆBENDAS SECUNDÆ GRATIÆ per Eugenium Papam IV. Anno 1437. Universitati Coloniensi donatas, insimulque per Nicolaum V. successivè 1451. ac 1453. firmatas in contrariam Conclusionem abeam. Video enim si non omnes, saltem principaliores, quas pro Præbendis primæ gratiæ adduxi, rationes, aliasque plures quoque pro secundæ gratiæ Præbendis militare. Militat imprimis ipsummet Indutum Bonifacii IX. quoad Præbendas primæ gratiæ Universitati datum: quia Eugenius IV. hoc Indultum Bonifacianum in suo Indulto pro Præbendis secundæ gratiæ impertito posuit pro basi & fundamento; Etenim similis Edicto Bonifaciano Constitutionis Authoritate Apostolica statuit: Quod ii, qui volunt Præbendas secundæ gratiæ obtinere, quoque debeant esse Doctores actu legentes, quodque teneantur continuè legere in illa Facultate, pro qua per Rectorem & Proviseores ad legendum sunt deputati; & casu quo inattentâ monitione cœlaverint à legendendo per annum, quod tunc Præbendis privati sint, & haec vident eo ipso: Indultum Eugenianum pro Præbendis secundæ gratiæ Anno 1451: confirmavit Nicolaus V., & unâ simul inhaesit quoad Præbendas secundæ gratiæ Indulto Bonificiano super Præbendis primæ gratiæ largito, ac ulterius adjectit ≡ & quod singulæ Personæ, quæ aliquam ex secundæ gratiæ Præbendis obtinerint, debent esse graduatæ in illa Facultate, pro quâ ad legendum fuerunt deputatæ, & quod teneantur continuè legere, quodque per annum cessantes à Lectione sine causa, quam Rector, & iroviseores non duxerint approbandam, sint privati ista Præbenda, illaque vacet ipso Fure... Verum quidem est: quod Romæ, Civitatis Coloniensis Capitula fese Indultis tam Eugenii IV., quam Nicolai V. eâ de causâ opposuerint, quod ipsis quoad has Præbendas secundæ gratiæ Alternativa mensum voluisse afferri, & Nominatio ad istas Præbendas Provisoribus laicis concedi:... Ait eo inattento Indulta Eugenii IV., & Nicolai V. pro Præbendis secundæ gratiæ quoad Substantiam manserunt in suo vigore, ac solùm & unicè Summus Pontifex Nicolaus V. favore Capitularum ordinavit, ut ipsa Capitula (in quoquaque demum mense vacarent hæ Præbendæ secundæ gratiæ) possent Subjecta ad illas juxtâ tenorem Indultorum Apostolicorum qualificata nominare: hocque in punto Idem Nicolaus V. (qui paulò ante per Concordata Germanie firmaverat Alternativam mensum, & sex menses Apostolicos sibi reservaverat) opere ipso quoad hanc Alternativam mensum suo juri ad utilitatem Capitularum quoad secundæ gratiæ Præbendas renun.

renunciavit... Ast illud cā lege factum fuit, ut semper, quoties unam ex istis Præbendis secundæ gratiæ contingere vacare, Capitula irremissibleiter tenerentur Personas actualiter legentes, aut ad actualiter legendum qualificatas ad has secundæ gratiæ Præbendas sub poenâ nullitatis nominare, prout Summus Pontifex rotundè exprimit in sequentibus sui Indulti de Anno 1453. verbis ≡ *Volumus autem, quod ipsi dictos Canonicatus & Prebendas, quoties vacaverint, nulli conferre, aut de illis providere possint, nisi de dictâ Universitate & graduatus. & qualificatus existat, MODO, ET SUB ONERE in dictis Literis expressis: Et si secûs fecerint, seu Provisionem bujusmodi ultrâ mensem post habitam de vacatione notitiam distulerint, cā vice Jus nominandi ad illas Personam idoneam ad Provisores, quamvis Laici sint, & Rectorem ipso facto censetur devolutum. Quodque nullus aliquem eorundem Canoniciatum assicutus, si senio, vel alia corporali infirmitate gravatus suam continuare Lectionem cessaverit, propterea dicto Canoniciatu privatus sit, aut privari possit ≡* Ergo quisquis est corpore sanus, is æquè in Præbendis secundæ, ac in Præbendis primæ gratiæ continuò legere est obligatus. Ergo non sufficit, nūdum in aliquâ Universitatis Facultate habere gradum, sed undâ simul quoque requiritur actualis doctio in Præbendis secundæ gratiæ. Doctione liac cessante Indultum Apostolicum & Eugenii IV., & Nicolai V. istos Præbendatos declarat ipso Jure Præbendis secundæ gratiæ privatos, solo casu excepto, si ob senium, & debilitatas vires à doctione actuali cesserint. Has secundæ gratiæ Præbendas æquè laudavit Imperator Fridericus III., ac illas primæ gratiæ, dum utrasque Universitati Coloniensi pro suis Professoribus competere declaravit, quandò 1474. Summum pontificem Sixtum IV. rogavit, ut sicut duas Præbendæ Metropolitanæ, una, primæ, altera secundæ gratiæ, non nisi Graduatis in Universitate Coloniensi essent débitæ: ita quoque statueret, ut reliquæ sex Præbendæ Presbyterales Metropolitanæ non nisi Graduatis in aliquâ approbatâ Universitate posthac conferri possent. Id quod dum Sixtus IV. ita imposterum observari debere ordinavit, duinque istas sex Præbendas Metropolitanæ per suum Indultum de Anno 1474. à quibusvis gratiis expectativis, aliisque reservationibus per expressum exemit: profectò idem de Præbendis secundæ gratiæ statui, illæque à quibusvis Exspectativis, ac Precibus Cæsareis liberæ declarari debent, quia cæteroquin non verificaretur, quod in quocunque mense ad collationem Capituli spectarent, pariterque quod Præbendati perpetuò actualiter legere ob Præbendas secundæ gratiæ tenerentur.

§. 17. Neque ullam invenio fundatam rationem, ob quam Rma Capitula possint se reputare qualificata ad Præbendas secundæ gratiæ tali conferendas, qui non est actu Professor, nec se ad actualiter legendum qualificat; nam eā lege Alternativam mensum, cæteroquin Pontifici juxta

Con-

Concordata Germaniae cōpetentem, à Nicolao V. quoad Præbendas *secundæ gratiæ* sibi habent concessam, ut has Præbendas Graduatis, ac per-
 petuò, & ed usque (donec v̄ires corporis patiantur) lecturis conferre
 teneantur. Dunque Summi Pontifices suā ex parte hanc Alternativæ
 mensium concessionem sanctè servant, & Capitula collationem Præben-
 darum *secundæ gratiæ* in quoquinque mense, etiam Apostolico, pacifice
 exercent; Ideò sanè ipsa quoque Capitula liberali hac, ast limitatā do-
 natione fruentes suā ex parte obligata erunt, Legem ipsis in Indulso
 Nicolai V. quoad Præbendas *secundæ gratiæ* graduatis *actualiter legentibus*
 conferendas dictam exactè ed usque adimplere, donec ab illā per con-
 ceſſionem Apostolicam posteriorem fuerint exempta, de quā Exemptione
 dum in Statutis Universitatis nullum invenio vestigium, hinc Indulso Ni-
 colai V. erit firmiter infistendum: & firmissimè quidem, ed quod Capi-
 tula istius Indulti certam notitiam habentia, illudque in suis Archivis
 pro probanda Alternativæ mensium Sedi Apostolice alioquin quoad col-
 lationem Præbendarum *secundæ gratiæ* competentium sedulò affervantia
 non possint se contra illud tueri ullā in contrarium Observantia, quæ abs-
 que eo quā tendens contra Bonum publicum Studiorum generalium pro-
 mero Abusu reputari, & tam per Summos Pontifices, quam per Au-
 gustissimos Imperatores cassari deberet: Ed magis, quia sat magius in
 Universitate Coloniensi adest Professorum actū docentium, & præmium
 laboris exspectantium munerus, quibus præbendæ *secundæ gratiæ* poslunt
 conferri. Et ideò Capitula non possunt conqueri de eo, quali facultas con-
 ferendi Præbendas *secundæ gratiæ* esset nimis coarctata, quæ coarctatio
 absque eo abunde compensatur per hoc: quod Summi Pontifices quoad
 conferendas *secundæ gratiæ* Præbendas renunciaverint favore Capitulorum
 Alternativæ mensium, quam cæteroquin de jure, & ex Concordatis Ger-
 maniae habebant ad conferendas *secundæ gratiæ* Præbendas in mensibus Apo-
 stolicis vacantes. Et quid vetaret, bos sex menses Apostolicos quoad Præben-
 das *secundæ gratiæ* pro Bono Generalis Studii Coloniensis per Summos Ponti-
 fices Universitati, etiam quoad nominationem pro Professoribus actū docentibus
 concedi, casu quo Capitula facerent difficultatem, Leges in Indulso Nicolai V.
 de Anno 1453. dictas adimplendi, & istas Præbendas diētis Professoribus con-
 ferendi?

Ad extremum pro Præbendis *secundæ gratiæ* vindicandis tam à Pre-
 bus Cæfareis, quam ab Exspectatīvis Apostolicis, tamque à Reservatis
 Pontificiis, quam à Collationibus favore personarum non qualificatarum
 exercēndis stant eadem illæ rationes, quæ quoad Præbendas *prime gratiæ*
 & ex Sacro Conc. Trid., & ex Constitutione Caroli V. in Statutis
 Archidiæcesanis Coloniensis inserta, & quoque in Recessibus Imperii
 fuerunt adductæ. Etenim in illis ordinationibus Pro Bono Religionis Ca-
 tholice evidenter dispositum fuit: ut ea Beneficia, quæ modò ante S.
 Conc.

Conc. Trid. pro Professoribus actu docentibus fuerunt destinata, etiam posthac cum exclusione & Precum Imperialium, & Exspectativarum Apostolicarum pro illis inviolata manerent. Dum ergo Præbendæ secundæ gratiæ dudum ante S. Conc. Trid., immo per Eugenium IV. modo autem celebrata Germaniæ Concordata, & per Nicolaum V. paucis post illa Concordata solenniter inita annis fuerunt Vuivesitati pro Professoribus actu docentibus concessæ; Eapropter & imposterum hisce Præbendæ secundæ gratiæ erunt cum exclusione Personarum non qualificatarum necessariò conferendæ. Ita namque præcepit Augustissimus Imperator Carolus V., dum Anno 1549. Authoritate Cœsarea mandavit: ut ea omnia, quæ in Concilio Provinciali sub Adolpbo III. erant ordinata, in omnibus suis Functis, Clausulis, Articulis, Sententiis, & verborum expressionibus ritè, sanctè, inviolabiliter citra ullam fraudem & tergiversionem observari, implerique debeant.... & banc esse Majestatis sue Cœsareæ animi sententiam, seriamque voluntatem. Dunque in ista Synodo Archidiœcesana sollicitè discussum fuit: An Canonici, qui habent Præbendas sibi ex Indulso Apostolico cum onere legendi collatas, suo muneri juxta Bullarum Apostolicarum tenorem satisfaciant? ET AN CAPITULA VELINT AD ISTOS CANONICATUS ET PRÆBENDAS, QUÆ UNIVERSITATIS VOCANTUR, IN FUTURUM EOS SOLOS PROVEHERE, QUI VELINT, ET POSSINT EARUNDREM ONERA IPSIS VIGORE BULLARUM APOSTOLICARUM INCUMBENTIA SUBIRE..., Hinc profectò extra omne dubium collocatur: quod hæc Ordinata ipsas tangat vel maximè secundæ gratiæ Præbendas, quia hæc solæ sunt, quarum collatio Capitulis per Indulta præexpressa Eugenii, ac Nicolai fuit impedita.

S. 18. De Præbendis TERTIÆ GRATIÆ, quid sentiam, sat modò declaravi in rationibus quoad Præbendas primæ, ac secundæ gratiæ magno in numero firmatis, quæ dum quoque pro Præbendis tertiæ gratiæ notabiliori ex parte faciunt, ideo de His idem, quod de Illis, debet esse iudicium.. Nam hæc Præbendæ Tertiæ gratiæ Universitati Coloniensi sedente adhuc Tridentinæ Synodo & ob bonum Studii Generalis, & ob conservandam, propagandamque Religionem Romano-Catholicam, & ob extirpandas, impediendasque hæreses fuerunt per Summos Pontifices in mensibus Apostolicis Martio, Julio & Novembri concessæ; Hæque concessiones per Augustissimos Imperatores Carolum V., & Ferdinandum eo ipso suam obtinuerunt confirmationem, dum per Ipsos S. Concilium Trident. cum omnibus inibi contentis non modo laudatum, firmatumque; sed & in Recensis Imperii ordinatum fuit: hujus Sacri Concilii Decreta esse observanda, quo super jamtum abante in Concordatis Germaniæ dispositum habebatur: quod ea observari deberent, quæ in futuro Concilio Ecumenico statuenda forent.... Et hinc in Annalibus Universitatis varia existunt præjudicia, quod Præbendæ tertiæ gratiæ Professoribus cum exclusione Precistarum fuerint collatae, prout illa præjudicia in lite Viennensi fuerint adducta... Non exiguum hisce rationibus accedit

cedit robur ex eo, quod Celeberrima Universitas Lovaniensis pariter variis menses Apostolicos sibi habeat concessos ad hoc, ut Præbendas in istis mensibus vacantes Professoribus actu docentibus conferre queat, quodque in istis Præbendis nec Preces Cæsareæ, nec Exspectativæ Apostolicæ, nec ullæ aliæ collationes habeant locum, prout pariter in lite Vienensi per documenta legalissima fuit verificatum. Quod ergo hoc in puncto est Juris pro Universitate Lovaniensi, Coloniensis Universitatis Filiâ, quid vetat, quod hoc non etiam à potiori, stantibus tot momentissimis rationibus, obtineat in Universitate Generalis Studii Colonensis, quâ Matre Universitatis Lovaniensis?

Essent quidem adhuc multa tam de Precibus Cæsareis, quam de Jure Universitatis circâ Præbendas secundæ, ac tertiae gratiæ (de prima enim gratiæ Præbendis Res judicatæ loquantur) commemoranda, verum spatum Anni Academici vix non elapsi finem imponere suadet. Spero interim, me in hoc quinque septimanarum labore promissis in Præfatione datis satisfecisse, & suum cuique æquâ mensurâ tribuisse. Paratissimus sum (prout esse debet quisquis veritatis amator) ad cincendandum ea omnia, quæ præter spem aut veritati, aut unius, alteriusque Juribus, aut debitis Venerationis Legi contraria fuerint deprehendi.

Et monitus meliora, sequar, meliora probabo

A. M. D. G.

Inches
1 2 3 4 5 6 7 8
Centimetres
1 2 3 4 5 6 7 8

TIFFEN® Color Control Patches

© The Tiffen Company, 2007

Blue	Cyan	Green	Yellow	Red	Magenta	White	3/Color	Black

